

高燠戶傳話

卷五之六



07685

春秋左傳詁卷五

傳



惠公元妃孟子闕諡法愛人好與曰惠又曰柔質慈民曰

惠史記魯世家惠公名弗湟世本作弗皇陸德明釋文

作不皇春秋元命包元首也詩閔宮建爾元子毛傳亦

同傳曰嘉耦曰妃爾雅釋詁孟長也張揖廣雅釋詁孟

始也世本宋子姓杜本孟子卒闕服虔云重言孟子者

嫌與惠公俱卒故重言之疏本鄭元禮記注卒終也劉熙

釋名卒竟也繼室以聲子闕呂覽上德篇高誘注繼續

也王逸楚辭注同禮記三十壯有室鄭元注有室有妻

春秋左傳詁卷五

一

稱室也諡法不生其國曰聲服虔云聲子之諡非禮也

杜佑通生隱公闕諡法隱拂不成曰隱又不顯尸國曰

隱又見美堅長曰隱世本隱公名息姑史記止作息宋

武公生仲子闕史記宋世家乃命微子開代殷後國于宋

世本宋更名睢陽諡法剛強直理曰武又威強敵德曰

武又克定禍亂曰武又刑民克服曰武又夸志多窮曰

武鄭元禮記注仲中也一切經音義引韓詩同言位在

中也仲子生而有文在其手闕王充論衡雷虛篇紀妖

篇並作有文在其掌自然篇仍作手字按古掌字本作

爪說文爪从反爪孟子母仇氏仇即爪之誤也曰為魯

夫人闕史記周本紀封弟周公旦于曲阜曰魯應劭曰曲

阜在魯城中委曲長七八里曲禮曰諸侯曰夫人鄭元

注夫之言扶釋名諸侯之妃曰夫人夫扶也扶助其君

也故仲子歸于我爾詩毛傳婦人謂嫁曰歸鄭元禮記

注歸謂歸夫家也虞翻易注歸嫁也杜本生桓公而惠

公薨爾諡法辟土服遠曰桓又克敬勤民曰桓又辟土兼

國曰桓是以隱公立而奉之爾賈逵云隱立桓為太子

奉以為君本疏稱賈逵解詁鄭眾以為隱公攝立為君奉桓為

太子同按杜注亦本賈義惟正義以奉以為君為賈之

妄不知賈實依經為訓使國人知桓有君道而奉之非

隱以君禮奉桓也周禮鄭注奉猶進也廣雅奉持也又

云奉獻也是奉皆有尊崇之義故賈云奉以為君耳

隱公元年春王周正月不書即位攝也爾說文攝引持也

鄭元周禮注攝訓為代或云攝假也杜本賈服之徒以

為四公皆實即位孔子修經乃有不書本疏劉賈穎為傳

文生例云恩深不忍則傳言不稱恩淺可忍則傳言不

書同賈氏云不書隱即位所以惡桓之篡釋三月公及

邾儀父盟于蔑邾子克也未王命故不書爵曰儀父貴之

也釋文一本無故字賈服以為北杏之會時已得王命本疏服虔

云爵者醮也所以醮盡其材也同公攝位而欲求好於

邾故為蔑之盟夏四月費伯帥師城郎爾說文郎魯亭

也杜本不書非公命也初鄭武公娶于申曰武姜爾

地理志南陽郡宛故申伯國杜本賈逵云凡言初者隔

其年後有禍福將終之乃言初也本白虎通娶者取也

按釋文本娶多作取生莊公諡法叡通克服曰莊又

兵甲亟作曰莊又勝敵志彊曰莊及其叔段諡法賈服以

共為諡諡法敬長事上曰其按以其為諡賈服之義為

長正義云見殺出奔無人與之為諡今攷魯之穆伯晉

之欒懷子皆出奔見殺得有諡叔段莊公母弟雖出奔

得追諡可知杜云段出奔共故云其叔則處公出奔共

池亦當謂之其乎明當以賈服為長也莊公寤生按

應劭風俗通不舉寤生子俗說兒墮地未可開目便能

視者謂寤生是寤生始生即開目者又南涼錄慕容德

傳德母晝寢而生德父號曰此兒易生如鄭莊公則又

以易生為寤生今考杜注以莊公因寤寐而生則與慕容

容德正同故注義亦與德父號之言相似驚姜氏故名

曰寤生遂惡之愛其叔段欲立之亟請於武公公弗許及

莊公即位為之請制京相璠曰制鄭邑水經地理志河

南郡成臯故虎牢或曰制杜本按杜注地理多取京相

璠說公曰制巖邑也釋文巖本爾雅釋山巖嶠巖山

貌也按成臯四面皆山故曰巖邑號叔死焉地理志

河南郡滎陽應劭曰故號國今號亭是也杜本按地理

志又云子男之國號會為大特勢與險鄭語史伯亦云

號叔恃險此即號叔恃巖邑之證佗邑惟命請京賈

達云京鄭都邑史記集解地理志河南郡京師古曰鄭共

叔段所居也此杜取使居之謂之京城大叔祭仲曰都城

過百雉國之害也此鬪買達馬融鄭元王肅之徒為古學者

皆云雉長三文本疏古春秋左氏說云百雉為長三百丈

方五百步禮記疏左氏說一丈為板板廣二尺五板為堵

一堵之牆長丈高丈三堵為雉一雉之牆長三丈高一

丈以度其長者用其長以度其高者用其高也本疏引五經異

義按諸說不同杜蓋取賈說先王之制大都不過參國

之一中五之一小九之一此周書作雉解大縣立城方王

城三之一小縣立城方王城九之一不舉中從可知案

與祭仲之言適合所謂先王之制也今京不度此鬪說文

度法制也此杜本非制也君將不堪公曰姜氏欲之焉辟

害對曰姜氏何厭之有不如早為之所無使滋蔓此鬪服虔

云滋益也蔓延也謂無使其益延長也眾經音義蔓難圖也

蔓草此鬪說文蔓葛屬枝蔓屬皆延藤故上云滋蔓猶不可

除況君之寵弟乎公曰多行不義必自斃此鬪說文斃頓仆

也斃或从夂韋昭國語注斃踏也此杜本子姑待之此鬪詩

毛傳姑且也此杜本既而大叔命西鄙北鄙貳於已此鬪按

周語百姓攜貳韋昭注貳二心也此貳于己義亦當然

杜注云兩屬蓋望文生訓非本義公子呂曰國不堪貳

君將若之何欲與大叔臣請事之若弗與則請除之無生

民心公曰無庸將自及大叔又收貳以為己邑至于廩延

此鬪說文邲鄭地今本作延案下傳晉侯伐鄭及邲唐開

成石經本卽作鄉三國魏志袁紹渡延津追擊魏武卽
此道元云河水自酸棗縣又東北通謂之延津杜亦

封曰可矣厚將得眾公曰不義不暱厚將崩說文翻黏

也春秋傳曰不義不翻按今本作暱暱與翻音同又假借字今考不翻之義正與將崩相屬自當以翻黏爲長

杜訓親暱失之又按考工記凡昵之類不能方鄭司農云故書昵或作穢杜子春云穢讀爲不義不昵之昵或

爲翻翻黏也賈公彥引左傳亦作昵李善文選注引左傳同吾友陳樹華云唐元度九經字樣翻字注音相黏

也見春秋則知唐時尙有作黏者大叔完聚服虔以聚爲聚禾黍也本按完聚以服說爲長杜云城郭人民

失之繕甲兵具卒乘說文繕補也廣雅繕治也三倉同高誘呂覽注步曰卒眾經音義引三蒼載曰乘杜本

將襲鄭白虎通德論襲者何謂也行不假塗掩人不備也夫人將啓之說文啓開也杜本公聞其期曰可矣

命子封帥車二百乘以伐京司馬法兵車一乘甲士三人步卒七十二人杜本炊家子十人固守衣裝五人廐

養五人樵汲五人輕車七十五人重車二十五人故二

乘兼一百人爲一隊京叛大叔段段入于鄆公伐諸鄆

五月辛丑大叔出奔共賈逵曰其國名史記地理志河內郡其故國杜本書曰鄭伯克段于鄆段不弟故不言弟如二君故曰克稱鄭伯譏失教也謂之鄭志不言出奔

難之也。爾服虔云：公本欲養成其惡，而加誅使不得生出。

此鄭伯之志意也。本疏杜取此遂寘姜氏于城穎。爾虞翻易

注：寘置也。釋文同。賈逵云：鄭地。杜取此按水經注：洧水南

有鄭莊公望母臺而誓之曰：不及黃泉，爾服虔云：天元

地黃泉在地中，故曰黃泉。史記集解一曰：泉注地中，故杜本此

曰黃泉也。李善文選注無相見也。既而悔之，穎考叔為穎谷

封人，爾賈逵云：穎谷，鄭地。同上水經：穎水出穎川陽城縣西

北少室山，酈道元云：穎水有三源，奇發右水出陽乾山

之穎谷。春秋：穎考叔為其封人，按廣韻：穎，禾末也。穗也

又姓。左傳有穎考叔。今攷穎考叔以穎谷得名，謂作穎

誤聞之有獻於公，公賜之食，食舍肉，公問之，對曰：小人

有母皆嘗小人之食矣。未嘗君之羹，請以遺之。爾雅：肉

謂之羹。字林：臠，肉有汁也。公曰：爾有母遺，繫我獨無。爾

按：倍五年服虔注：繫發聲也。則此亦當同。杜注云：語助

即取此義。穎考叔曰：敢問何謂也？公語之，故且告之。悔

對曰：君何患焉？若闕地及泉，爾詩：蚺掘闕，鄭箋：掘地解

闕，謂其始生也。管子：山權發篇：北郭有掘闕，而得龜者

尹知章注：掘穿也。求物及穿地至泉，曰闕。吾友桂馥云：

掘闕掘闕，即左氏闕地之義。隧而相見。爾賈逵國語注

闕地通路曰隧。鄭元禮記注：隧，延道也。杜本此聲類：掘墓

隧也。文選注後漢書：陳蕃傳：不閉延隧，其誰曰不然？公從

之公入而賦大隧之中，其樂也。融融。爾惠棟補注：曰融古

文作彤張衡思元賦展洩洩以彤彤李善注引左傳鄭莊公入而賦大隧之中其樂也彤形融與彤古守通被

殺阮碑亦以彤為融姜出而賦大隧之外其樂也泄泄

詁服虔云入言公出言姜明俱出入互相見本思元賦疏

舊注泄泄彤形皆和貌按泄諸本皆作洩因避唐諱今

訂正下同遂為母子如初君子曰頹考叔純孝也**詁**爾

雅純大也詩毛傳同愛其母施及莊公詩曰孝子不匱

詁鄭元禮記注匱乏也永錫爾類**詁**王逸楚辭章句類

法也詩云永錫爾類其是之謂乎 秋七月天王使宰

咺來歸惠公仲子之賵緩且子氏未薨故名天子七月而

葬同軌畢至**詁**鄭元服虔皆以軌為車轍也本說文同諸

春秋左傳諸卷五

七

侯五月同盟至大夫三月同位至士踰月外姻至**詁**說文

姻婿家也女之所因婚婦家也按散言之則並通故詩

曰懷婚姻也周禮陸媻鄭注姻親於外親也媻姻古字

通杜注姻猶親也本此贈死不及尸弔生不及哀豫凶

事諸本或作預**詁**高誘淮南王書注韋昭國語注並云豫

備也非禮也 八月紀人伐夷**詁**應劭漢書注劇縣故

紀侯國今紀亭是此 夷不告故不書 有蜚不為災

亦不書**詁**說文蜚臭蟲負蠶也此 惠公之季年敗宋師

于黃**詁**地理志陳畱郡外黃臣瓚曰縣有黃溝故氏之也

杜亦公立而求成焉九月及宋人盟于宿始通也 冬

十月庚申改葬惠公**詁**賈逵云改備禮也太平御覽公弗臨**詁**

賈逵云葬嗣君之事公弗臨言無恩禮曰改葬總也上同

故不書惠公之薨也有宋師大子少圖服虔以為宋師即

黃之師也是時宋來伐魯公自與戰疏本葬故有闕圖賈

逵云言是以禮闕故御覽是以改葬疏衛侯來會葬不見

公亦不書圖地理志河內郡朝歌紂所都周武王弟康叔

所封更名衛社本鄭其叔之亂公孫滑出奔衛衛人為

之伐鄭取廩延鄭人以王師虢師伐衛南鄙圖地理志宏

農郡陝故虢國北虢在大陽東虢在滎陽西虢在維社本

此請師于邾邾子使私于公子豫豫請往公弗許遂行

及邾人鄭人盟于翼不書非公命也新作南門不書亦

非公命也 十二月祭伯來非王命也 眾父卒公不與

春秋左傳卷五

八

小斂故不書目圖賈逵云不與夫斂則不書卒疏本

二年春公會戎于潛修惠公之好也戎請盟公辭 莒子

娶于向向姜不安莒而歸夏莒人入向以姜氏還 司空

無駭入極費齊諸本誤作齊字父勝之 戎請盟秋盟于

唐復修戎好也 九月紀裂繻來逆女卿為君逆也 冬

紀子帛莒子盟于密魯故也 鄭人伐衛討公孫滑之亂

也

三年春王三月壬戌平王崩赴以庚戌故書之 夏君氏

卒聲子也不赴于諸侯不反哭于寢不耐于此上三字于字

今从石經姑故不曰薨不稱夫人故不言葬不書姓為公

故曰君氏 鄭武公莊公為平王卿士圖賈逵云卿士之

有事者六卿也御王貳于虢鄭伯怨王王曰無之故周

鄭交質韋昭國語注質信也王子狐爾賈達云周平王

之子同上杜為質於鄭鄭公子忽爾賈達云鄭莊公太

子忽也同說文出氣詞也从日象氣出形春秋傳曰

鄭太子忽按古今人表仲忽作中智揚雄傳于時人皆

智之漢樊敏碑奄智滅形智乃古忽字為質於周王崩

周人將昇虢公政爾賈達云溫周地名蘇氏邑也四月鄭祭足

帥師取溫之麥爾賈達云溫周地名蘇氏邑也同漢書地

理志河內郡溫故國已姓蘇忿生所封也按云四月云

秋皆舉夏時而言杜注非也秋又取成周之禾爾賈地

志河南郡洛陽是為成周杜本周鄭交惡君子曰信不

春秋左傳詰卷五

九

由中質無益也明恕而行要之以禮雖無有質誰能閒之

苟有明信詩正義采藻引傳作明德澗谿沼沚之毛爾雅山來水澗

山澗無所通谿說文同按杜注云谿亦澗誤詩毛傳沼

池也沚渚也廣雅毛草也詩采藻傳引此毛即作草杜本

此蘋蘩蒹藻之菜爾賈詩毛傳蘋大萍也蘩皤蒿也藻聚

藻也按杜注蘓藻聚藻也是訓蘓為聚非毛傳意今攷

顏氏家訓書證篇引郭注三倉云蘓藻之類也則蘓亦

水草不可空訓作聚且尋上下文義澗谿沼沚筐筥錡

釜皆四者並舉況蘓字从草何得空訓作聚杜氏之說

疎矣筐筥錡釜之器爾賈詩毛傳方曰筐員曰筥有足曰

錡無足曰釜杜並潢汙行潦之水爾賈服虔云畜小水謂

之潢水不流謂之汗行潦道路之水是也本一云水不

泄謂之汗文選注可薦於鬼神可羞於王公國鄭元周禮

注薦羞皆進也未食未飲曰薦既食既飲曰羞按此傳

于鬼神言薦于王公言羞蓋卽此意杜羞字注本此而

況君子結二國之信行之以禮又焉用質風有采蘋采蘋

雖有行葦河酌昭忠信也武氏子來求賻王未葬也

宋穆公疾召大司馬孔父而屬殤公焉國諡法短折不成

曰殤曰先君舍與夷而立寡人寡人弗敢忘若以大夫

之靈國辭緣東京賦注靈明也得保首領以沒國說文

終也从肉勿聲殷字注云殷或从旻先君若問與夷其

將何辭以對請子奉之以主社稷寡人雖死亦無悔焉對

春秋左傳詁卷五

十

曰羣臣願奉馮也公曰不可先君以寡人爲賢使主社稷

若弃德不讓是廢先君之舉也豈曰能賢光昭先君之令

德可不務乎吾子其無廢先君之功使公子馮出居于鄭

八月庚辰宋穆公卒殤公卽位君子曰宋宣公國諡法聖

善周聞曰宣可謂知人矣立穆公其子饗之命以義夫

商頌曰殷受命咸宜百祿是何石經及諸本作荷今

之謂乎冬齊鄭盟于石門尋盧之盟也國按哀十二年

傳服虔注尋之言重也溫也義當同此地理志秦山郡

盧郡國志屬濟北國杜本庚戌鄭伯之車僨于濟國服

虔云僨仆也漢書注按釋文取服說水經濟水出河東垣

縣東王屋山爲汎水至鞏縣北入于河衛莊公娶于齊

東宮得臣之妹謂服虔云得臣齊世子名居東宮

詩疏杜取此

曰莊美美而無子衛人所爲賦碩人也又娶于陳謂地理

志淮陽國陳故國舜後胡公所封

杜本此

曰厲媯謂諡法

暴慢無親曰厲世本陳媯姓生孝伯早歿其姊戴媯生

桓公謂諡法典禮無愆曰戴莊姜以爲己子公子州吁嬖

人之子也謂說文嬖便嬖愛也有寵而好兵公弗禁謂廣

雅禁止也莊姜惡之石碛諫曰謂賈逵云衛上卿

史記集解

按說文無碛字當作碛說文諧大聲也諧或从碛今本

碛字當屬碛傳寫之譌又熹平石經作踏廣韻踏敬也

按莊十九年敗黃師于踏陵石碛字或从此今定从碛

臣聞愛子教之以義方謂廣雅方義也何晏論語注方義

方也弗納于邪驕奢淫佚謂說文佚水所蕩佚也按此

喻人性蕩佚如水所自邪也四者之來謂服虔云言此

四者過從邪起

疏本

寵祿過也將立州吁乃定之矣若猶

未也階之爲禍夫寵而不驕驕而能降降而不感感而能

眇者鮮矣謂鄭元禮記注感恨也釋文本此按感字下已

从心再加工旁非是今諸刊本皆誤作憾此从石經宣

十一年二感往矣成二年釋感等字尙皆作感因據改

下並同說文眇目有所恨而止也按爾雅釋言眇重也

釋文本此且夫賤妨貴少陵長遠間親新間舊小加大

淫破義所謂六逆也君義臣行父慈子孝兄愛弟敬所謂

六順也去順效逆所以速禍也君人者將禍是務去而速

之無乃不可乎弗聽其子厚與州吁游禁之不可桓公立乃老

四年春衛州吁弑桓公而立公與宋公爲會將尋宿之盟未及期衛人來告亂夏公及宋公遇于清宋殤公之

卽位也公子馮出奔鄭鄭人欲納之及衛州吁立將修先君之怨於鄭鄭服虔以先君爲莊公疏一云隱二年鄭人

伐衛先君莊公詩疏按州吁弑桓公必不更爲之修怨此先君服說指莊公最是杜注非也而求寵於諸侯以和

其民使告於宋曰君若伐鄭以除君害鄭服虔云公子馮將爲君之害疏詩君爲主敝邑以賦服虔云賦兵也以

田賦出兵故謂之賦上與陳蔡從則衛國之願也宋人

許之於是陳蔡方睦於衛地理志汝南郡上蔡故蔡國

杜本故宋公陳侯蔡人衛人伐鄭鄭服虔云衛使宋爲主使大夫將故敘衛于陳蔡下上詩序使公孫文仲將

而平陳與宋按詩序蓋本毛傳孫子仲謂公孫文仲也圍其東門五日而還公問於眾仲曰衛州吁其成乎對曰

臣聞以德和民不聞以亂以亂猶治絲而棼之也鄭廣雅

粉粉亂也粉棼古字通釋文亦云棼亂也夫州吁阻兵而安忍鄭文選注引此傳文并杜注云阻恃也今杜注無

之則此三字或係服注阻兵無眾安忍無親眾叛親離難以濟矣夫兵猶火也弗戢鄭箋戢斂也將自焚也夫州吁弑其君而虐用其民於是乎不務令德而欲以亂

成必不免矣 秋諸侯復伐鄭宋公使來乞師公辭之羽

父請以師會之公弗許固請而行故書曰翬帥師疾之也

諸侯之師敗鄭徒兵取其禾而還 州吁未能和其民厚

問定君於石子石子曰王覲為可曰何以得覲曰陳桓公

方有寵於王陳衛方睦若朝陳使請必可得也厚從州吁

如陳石喈使告於陳曰衛國褊小王逸楚辭章句褊狹

也老夫耄矣說文年九十曰耄从老从高省玉篇收

耄耄二字耄字下注與上同亦作耄五經文字耄字从

老省从毛今从釋文及石經作耄後同校經典通作旄

周禮再赦曰老旄禮記旄期稱道不亂者孟子反其旄

倪是也又作旄漢書武帝紀哀夫老老旄孤寡鰥獨平帝

春秋左傳品卷五

十三

紀及旄悼之人師古曰旄古耄字八十曰旄是耄耄耄

旄旄本一字古通無能為也此二人者實弑寡君敢即

圖之陳人執之而請泄于衛鄭元儀禮注蒞臨也下並

同九月衛人使右宰醜泄殺州吁于濮服虔云右宰

醜衛大夫濮陳地史記集解石喈使其宰孺羊肩泄殺石厚

于陳君子曰石喈純臣也惡州吁而厚與焉大義滅親其

是之謂乎 衛人逆公子晉于邢賈逵云邢周公之允

姬姓國上同冬十二月宣公即位書曰衛人立晉眾也

五年春公將如棠觀魚者釋文本亦作漁者臧僖作釐

伯諫曰世本臧僖伯彊孝公之子孝公生僖伯彊彊生

哀伯達達生伯氏瓶瓶生文仲本疏及莊二凡物不

十八年疏

足以講大事其材不足以備器用則君不舉焉君將納民於軌物者也。𠄎廣雅軌道也高誘淮南王書注軌者法度

之名故講事以度軌量謂之軌取材以章物采謂之物

不軌不物謂之亂政亂政亟行所以敗也故春蒐釋文云本亦作

蒐音蒐齊語春以狻振旅亦作狻李善文選注蒐與狻古字通漢書多作狻爾雅春獵為蒐

夏獵為苗秋獵為獮冬獵為狩按蒐亦作狻鄭元禮記

注曰春獵為狻夏苗秋獮釋文曰獮說文作獮殺也

按今說文作獮秋田也从犬璽聲冬狩皆於農隙以講

事也三年而治兵入而振旅國語蒐于農隙韋昭注隙

間也辭綜西京賦注振整理也爾雅旅眾也杜並本此歸而

飲至以數軍實鄭氏云軍所以討獲曰實文選昭文章

服虔解此亦引司馬職文明是旌旗所建用秋辨旗

物之法本疏明貴賤辨等列爾雅列次也順少長習

威儀也鳥獸之肉不登於俎釋文之內一作服虔以上登

為升下登為成本疏廣雅俎几也皮革齒牙骨角毛羽不

登于器則公不射公當作君古之制也若夫山林川澤之實器

用之資阜隸之事官司之守非君所及也公曰吾將畧地

焉爾雅說文畧經畧土地也遂往陳魚而觀之僖伯稱疾不

從書曰公矢魚于棠非禮也且言遠地也曲沃莊伯以

鄭人邢人伐翼爾雅地理志河東郡聞喜故曲沃晉武公自

晉陽徙此趙國襄國故邢國又河東郡絳晉武公自曲

沃徙此郡國志河東郡絳邑有翼城杜並本此王使尹氏武

氏助之翼侯奔隨韋昭國語注隨晉邑此本棧山西圖

經隨城在今介休縣東夏葬衛桓公衛亂是以緩

四月鄭人侵衛牧按爾雅郊外謂之牧非邑名與下伐宋

入其郛同前年伐鄭圍其東門故鄭亦侵其牧地以報

之又衛地無名牧者若云朝歌之牧野則亦不可僅名

為牧明杜注非也以報東門之役衛人以燕師伐鄭

地理志東郡南燕本南燕國媯姓黃帝後杜本鄭祭足

原繁泄駕以三軍軍其前使曼伯與子元潛軍軍其後燕

人畏鄭三軍而不虞制人詩鄭箋虞度也六月鄭二公

子以制人敗燕師于北制君子曰不備不虞不可以師

曲沃叛王秋王命虢公伐曲沃而立哀侯于翼 衛之亂

也鄭人侵衛故衛師入鄭 九月考仲子之宮將萬馬

初學記稱韓詩萬大舞杜本公問羽數於眾仲對曰天

子用八諸侯用六大夫四士二服虔云天子八八諸侯

六八大夫四八士二八宋書及通志服以用六為六八四十

八人大夫四為四八三十二士二為二八十六疏按宋

傅隆之云若如杜注至士祇餘四人豈復成樂參詳以

服說為是夫舞所以節八音而行八風賈逵云兌為

金為閭闔風也乾為石為不周風也坎為革為廣莫風

也艮為匏為融風也震為竹為明庶風也巽為木為清

明風也離為絲為景風也坤為土為涼風也本疏四十九柱畧取

此按賈依易緯通卦驗文相配服虔以為八卦之風乾

音石其風不周坎音革其風廣莫艮音匏其風融震音
竹其風明庶巽音木其風清明離音絲其風景坤音土
其風涼兌音金其風闐闐本疏故自八以下公從之於是
初獻六羽始用六佾也 宋人取邾田邾人告於鄭曰請
君釋感於宋敝邑爲道鄭人以王師會之伐宋入其郛音
韋昭國語注郛郭也此杜本以報東門之役宋人使來告
命公聞其入郛也將救之問於使者曰師何及對曰未及
國公怒乃止辭使者曰君命寡人同恤社稷之難今問諸
使者曰師未及國非寡人之所敢知也 冬十二月辛巳
臧僖伯卒公曰叔父有感於寡人寡人弗敢忘葬之加一
等 宋人伐鄭圍長葛以報入郛之役也

六年春鄭人來渝平更成也音服虔云公爲鄭所獲釋而

不結平於是更爲約束以結之故曰渝平本疏按經書渝

平傳曰更成今服注更爲約束云云是服亦訓渝爲更

與張揖同翼九宗正五頤父之子嘉父逆晉侯于隨納

諸郛音世本居篇云唐叔虞居郛宋忠曰晉地今在大夏

晉人謂之郛侯 夏盟于艾始平于齊也 五月庚申鄭

伯侵陳大獲往歲鄭伯請成于陳陳侯不許五父諫曰親

仁善鄰國之寶也君其許鄭陳侯曰宋衛實難鄭何能爲

遂不許君子曰善不可失惡不可長其陳桓公之謂乎長

惡不悛從自及也音韋昭國語注悛止也詩鄭箋從隨也

杜本此 雖欲救之其將能乎商書曰惡之易也如火之燎

于原不可鄉邇按莊十五年傳引商書亦有惡之易也

四字今盤庚無之其猶可撲滅周任有言曰為國家者

見惡如農夫之務去草焉芟夷蕪崇之說文發以足踞

夷草春秋傳曰發夷蕪崇之按鄭司農周禮稻人注已

作芟夷蕪崇之與說文異詩毛傳除草曰芟廣雅曰夷

滅也蕪積也崇聚也杜本此絕其本根勿使能殖韋昭

國語注殖長也則善者信矣 秋宋人取長葛 冬京

師來告饑公為之請糴廣雅糴買也於宋衛齊鄭禮也

鄭伯如周始朝桓王也王不禮焉周桓公言於王曰我

周之東遷晉鄭焉依善鄭以勸來者猶懼不饒說文饒

草多兒按玉篇廣韻既已也盡也古既既字通杜注饒

春秋左傳詁卷五

一七

至也亦屬同義況不禮焉鄭不來矣

七年春滕侯卒不書名未同盟也凡諸侯同盟於是稱名

故薨則赴以名告終稱嗣也以繼好息民謂之禮經 夏

城中丘書不時也 齊侯使夷仲年來聘結艾之盟也

秋宋及鄭平七月庚申盟于宿公伐邾為宋討也 初戎

朝于周發幣于公卿鄭元禮記注幣帛也凡伯弗賓

服注云戎以朝禮及公卿大夫發陳其幣凡伯以諸侯

為王卿士不修賓主之禮敬報于戎是以冬天王使凡

伯來聘還戎伐之于楚丘以歸儀禮疏冬王使凡伯來聘

還戎伐之于楚丘以歸 陳及鄭平十二月陳五父如鄭

游盟壬申及鄭伯盟說文如志服虔云如而也臨猷而忘

其盟載之辭言不精也本說文引作敵而志泄伯曰五

父必不免不賴盟矣鄭良佐如陳涖盟辛巳及陳侯盟亦

知陳之將亂也鄭公子忽在王所故陳侯請妻之鄭伯

許之乃成昏鄭元儀禮昏禮目錄士娶妻之禮以昏為

期故以名焉

八年春齊侯將平宋衛有會期宋公以幣請於衛請先相

見衛侯許之故遇于犬丘鄭伯請釋泰山之祀而祀周

公以泰山之祓易許田三月鄭伯使宛來歸祓公羊祓皆

不祀泰山也夏虢公忌父始作卿士于周四月甲辰

鄭公子忽如陳逆婦媯辛亥以媯氏歸甲寅入于鄭陳鍼

子送女先配而後祖賈逵云以配為成夫婦也禮齊而

春秋左傳詁卷五

六

未配三月廟見然後配鄭眾以配為同牢食也先食

而後祭祖無敬神之心故曰誣其祖也同鄭康成以祖

為祓道之祭也先為配匹而後祖道言未去而行配同

賈服之義大夫以上無問舅姑在否皆三月見祖廟之

後乃始成昏故譏鄭公子忽先為配匹乃見祖廟禮記

鍼子曰是不為夫婦誣其祖矣非禮也何以能育齊人

卒平宋衛于鄭秋會于温盟于瓦屋以釋東門之役禮也

八月丙戌鄭伯以齊人朝王禮也公及莒人盟于浮

來以成紀好也冬齊侯使來告成三國公使眾仲對曰

君釋三國之圖以鳩其民爾雅鳩聚也君之惠也寡君

聞命矣敢不承受君之明德無駭之羽父請諡與族公

問族於眾仲眾仲對曰天子建德因生以賜姓國王充論

衡因其所生賜之姓也若夏吞薏苡而生則姓苡氏商

吞燕子而生則姓氏周履大人跡則姓姬氏胙之士

國辭綜東京賦注胙報也杜本而命之氏諸侯以字為

諡國服虔云公之母弟則以長幼為氏貴適統伯仲叔季

是也庶公子則以配字為氏尊公族展氏臧氏是也本

鄭康成駁許慎五經異義引此傳文諸侯以字為氏惠

棟云今此以氏作諡者傳寫誤也杜考之不詳乃妄斷

其句而強解之按據服注及五經駁義則諡為氏字之

誤甚明第承譌已久未敢更定今不以字字絕句而以

諡字為句讀者詳之因以為族官有世功則有官族邑

亦如之國服虔止謂異姓又引宋司成韓魏為證本公命

以字為展氏

九年春王三月癸酉大雨霖以震書始也庚辰大雨雪亦

如之書時失也凡雨自三日以往為霖鄭元禮記注國爾

雅久雨謂之淫淫雨謂之霖平地尺為大雪夏城郎

書不時也宋公不王鄭伯為王左卿士以王命討之伐

宋宋以入郟之役怨公不告命公怒絕宋使秋鄭人以

王命來告伐宋冬公會齊侯于防謀伐宋也北戎侵

鄭鄭伯禦之患戎師曰彼徒我車懼其侵軼我也國高誘

淮南王書注自後過前曰軼公子突曰使勇而無剛者

嘗寇國鄭元禮記注嘗猶試也杜本而速去之君為三覆

以待之戎輕而不整國鄭元禮記注整正列也貪而無親勝不相讓敗不相救先者見獲必務進國服虔云先者見

獲言必不往相救各自務進言其貪利也本疏進而遇覆

必速奔後者不救則無繼矣乃可以逞國方言逞解也廣

雅呈解也呈與逞通此杜本從之戎人之前遇覆者奔祝

明逐之諸本作明今從釋文石經訂正哀戎師國韋昭國語注衷中也按

謂貫其中也前後擊之盡殲國說文殲成也此杜本戎師

大奔十一月甲寅鄭人大敗戎師國

十年春王正月公會齊侯鄭伯于中丘癸丑盟于鄧為師

期夏五月羽父先會齊侯鄭伯伐宋六月戊申公會

齊侯鄭伯于老桃壬戌公敗宋師于菅庚午鄭師入郕辛

春秋左傳註卷五

三

未歸于我庚辰鄭師入防辛巳歸于我君子謂鄭莊公於

是乎可謂正矣以王命討不庭國爾雅庭直也按謂諸侯

之不直者杜注殊屬曲說韋昭周語注卽云庭直也不

直謂不道也不貪其土以勞王爵國爾雅勞動也杜本

正之體也蔡人衛人邾人不曾王命秋七月庚寅鄭

師入郊猶在郊宋人衛人入鄭蔡人從之伐戴公穀皆作

伐戴音再八月壬戌鄭伯圍戴癸亥克之取三師焉宋衛既入

鄭而以伐戴召蔡人蔡人怒故不和而敗九月戊寅鄭

伯入宋冬齊人鄭人入郕討違王命也

十一年春滕侯薛侯來朝爭長國服虔云爭長先登授玉

儀禮疏薛侯曰我先封滕侯曰我周之卜正也薛庶姓也

我不可以後之公使羽父請於薛侯曰君與滕君辱在寡人周諺有之曰爾雅鄭元禮記注諺俗語也釋文本此山有木工則度之爾雅木謂之度亦作劇廣雅云劇分也按

郭璞引此傳文即云山有木工則劇之實有禮主則擇之周之宗盟爾雅賈逵以宗為尊本疏服虔以宗盟為同宗之

盟同上孫毓以為宗伯屬官掌作盟詛之載辭故曰宗盟上異姓為後寡人若朝于辭不敢與諸任齒爾雅世本姓

氏篇任姓謝章薛呂舒祝終泉畢過此十國皆任姓高誘呂覽注齒列也杜本君若辱既寡人爾雅詩毛傳既賜

也則願以滕君為請辭侯許之乃長滕侯夏公會鄭伯于邾爾雅水經注引此傳邾作釐京相璠曰今滎陽縣東

四十里有故釐城也杜本按唐石經初刻作于時邾後刊去時字謀伐許也鄭伯將伐許五月甲辰授兵于大

宮公孫闕與穎考叔爭車穎考叔挾軛以走爾雅服虔云考叔挾車轅筆馬而走杜本鄭元儀禮注軛軛也杜本子都

拔棘以逐之爾雅詩鄭箋棘戟也杜本及大達爾雅九達謂之達按杜注道方九軌蓋本考工記然以軌訓達殊

誤下桓十四年傳等並同弗及子都怒秋七月公會齊侯鄭伯伐許庚辰傅于許爾雅晉灼漢書注傳著也穎考

叔取鄭伯之旗蝥弧以先登子都自下射之顛爾雅詩毛傳顛仆也瑕叔盈又以蝥弧登周麾而呼曰爾雅詩鄭箋周

偏也王逸楚辭章句舉手曰麾杜本君登矣鄭師畢登

壬午遂入許許莊公奔衛齊侯以許讓公公曰君謂許不
其故從君討之許既伏其罪矣雖君有命寡人弗敢與聞
乃與鄭人鄭伯使許大夫百里奉許叔以居許東偏曰天
禍許國鬼神實不逞于許君而假手于我寡人寡人惟是
一二父兄不能其億鄭元周禮注其猶給也韋昭國語
注億安也此其敢以許自爲功乎寡人有弟不能和
協爾雅協和也而使餽其口於四方爾說文餽寄食也
方言寄食爲餽廣雅餽寄也其況能久有許乎吾子其
奉許叔以撫柔此民也吾將使獲也佐吾子若寡人得沒
于地天其以禮悔禍于許無寧茲許公復奉其社稷惟我
鄭國之有請謁焉爾雅謁告也此如舊昏媾爾雅

春秋左傳諸卷五

三

婦之父曰昏賈逵國語注重昏曰媾一切經音義杜本此其能降

以相從也無滋他族實偏處此以與我鄭國爭此土也吾

子孫其覆亡之不暇而況能禮祀許乎爾雅禮祀也孫

炎曰禮絜敬之祭杜注畧同寡人之使吾子處此不惟許國

之爲亦聊以固吾圉也爾雅圍垂也舍人曰圍拒邊垂

也杜本乃使公孫獲處許西偏曰凡而器用財賄無寘

於許我處乃亟去之吾先君新邑於此爾地理志河南郡

新鄭詩鄭國桓公之子武公所國應劭曰國語云鄭桓

公爲周司徒王室將亂寄孥與賄于虢會之間幽王敗

桓公歿之其子武公與平王東遷洛邑遂伐虢會并其

地而邑于此杜本王室而既畢矣周之子孫日失其序

夫許大岳之允也爾雅允繼也舍人曰允繼世也杜本

天而既厭周德矣吾其能與許爭乎君子謂鄭莊公於是

乎有禮禮經國家定社稷序民人利後嗣者也許無刑而

詩毛傳刑法也杜本而伐之服而舍之度德而處之量

力而行之相時而動無累後人可謂知禮矣鄭伯使卒

出殺爾司馬法百人為卒說文殺牲豕也廣雅殺豕也行

出犬雞以詛射穎考叔者爾韋昭國語注行行列也鄭元

周禮注詛謂祝之使沮敗也君子謂鄭莊公失政刑矣

政以治民刑以正邪既無德政又無威刑是以及邪邪而

詛之將何益矣王取鄆劉地理志河南郡緱氏劉聚

周大夫劉子邑郡國志河南尹緱氏有鄆聚杜本為爾

吾友邵學士晉涵云周大夫有蔦國蓋食邑于蔦邦石

誤邦說文邦周武王子所封在河內野王是也从邑于

聲又讀若區郡國志河內郡野王有邗城水經注邗城

故邗國也之田于鄭而與鄭人蘇忿生之田温原爾地

理志河內郡温故國已姓蘇忿生所封也杜本郡國志

河內郡軹有原鄉杜同緜爾說文作都地理志河內郡

波孟康曰今有緜城郡國志同杜本樊爾郡國志河內

郡修武有陽樊攢茅田服虔云樊仲山之所居故名陽

樊杜取按圖經引舊說文云仲山甫所封之樊在今南

陽疑在修武者仲山甫所居在南陽者則其封國也隰

鄆爾郡國志河內郡懷有隰城杜同按信廿五年傳作隰

城劉昭引此傳亦作城攢茅向

石經本

作攢誤

云今河內軹西有城名向上闕駟十三州志曰軹縣南

山西曲有故向城卽周向國也

水經注杜注同此

盟書禹貢

導河又東至于孟津盟孟古字通盟卽孟津也

杜本按

唐武德四年于孟津置盟州以此州卽地理志河內郡

州酈道元云周以賜鄭昭公按昭當作莊

杜本

此

元和郡縣志太行陁在河內縣西北三十里連山中斷

曰陁述征記曰太行山首始于河內自河內北至幽州

凡有八陁第一曰軹關陁第二曰太行陁第三曰白陁

今攷此上三陁皆在河內左近疑此傳之陁卽指太行

陁等而言然未敢以爲是姑附記于此或又以密縣陁

春秋左傳註卷五

三

山當之今攷密在河以南非是隕卽京相璠曰河內修

武縣北有故隕城實中

水經注

郡國志河內郡修武縣有

隕城

杜同

懷卽地理志河內郡懷

杜本

君子是以知桓

王之失鄭也恕而行之德之則也禮之經也已弗能有而

以與人人之不至不亦宜乎 鄭息有違言卽世本息國

姬姓說文卽姬姓之國在淮北今汝南新卽地理志汝

南郡新息孟康曰故息國其後徙東故加新焉

杜本

息侯伐鄭鄭伯與戰于竟息師大敗而還君子是以知息之

將亡也不度德不量力不親親不徵辭不察有罪犯五不

遘

倉頡篇

文及廣雅

是也

杜本

而以伐人其喪師也

不亦宜乎 冬十月鄭伯以號師伐宋壬戌大敗宋師以

報其入鄭也宋不告命故不書凡諸侯有命告則書不然則否師出臧否亦如之雖及滅國滅不告敗勝不告克不書于策 羽父請殺桓公將以求太宰公曰爲其少故也

吾將授之矣使營菟裘公羊傳作塗裘吾將老焉鬪服虔云菟裘

魯邑也營菟裘以作宮室欲居之以終老也史記郡國志泰山郡梁父有菟裘聚此羽父懼反譖公于桓公

而請弑之公之爲公子也與鄭人戰于狐壤止焉鄭人囚

諸尹氏賂尹氏鬪詩毛傳賂遺也而禱于其主鍾巫鬪鄭

元周禮注求福曰禱賈逵云鍾巫祭名也史記集解遂與尹

氏歸而立其主十一月公祭鍾巫齊于社圃館于爲氏鬪

服虔云館舍也爲氏魯大夫同上杜取此 壬辰羽父使賊弑

春秋左傳卷五

三五

公子爲氏立桓公而討爲氏有死者不書葬不成喪也鬪

賈穎云君弑不書葬賊不討也釋例

桓公元年春公即位修好于鄭鄭人請復祀周公卒易祔

田公許之三月鄭伯以璧假許田爲周公祔故也 夏四

月丁未公及鄭伯盟于越結祔成也盟曰淪盟無享國

秋大水凡平原出水爲大水鬪爾雅廣平曰原杜本冬鄭

伯拜盟 宋華父督鬪世本華父督宋戴公之孫好父說

之子本疏服虔云督戴公之孫史記集解見孔父之妻鬪鄭元

儀禮注作孔甫云甫字或作父又士相見禮注今文父

爲甫于路目逆而送之曰美而豔鬪詩毛傳色美曰豔

杜本 此

二年春宋督攻孔氏殺孔父而取其妻公怒督懼遂弑殤
公君子以督爲有無君之心而後動於惡故先書弑其君
會于稷以成宋亂爲賂故立華氏也宋殤公立十年十一
戰國服虔云與夷隱四年卽位一戰伐鄭圍其東門再戰
取其禾皆在隱四年三戰取邾田四戰邾鄭入其郛五
戰伐鄭圍長葛皆在隱五年六戰鄭伯以王命伐宋在
隱九年七戰公敗宋師于菅八戰宋衛入鄭九戰宋人
蔡人衛人伐戴十戰戊寅鄭伯入宋皆在隱十年十一
戰鄭伯以虢師大敗宋師在隱十一年本疏又史記宋
世家集解作賈
達注同民不堪命孔父嘉爲司馬督爲大宰故因民之不
堪命先宣言曰司馬則然已殺孔父而弑殤公召莊公子

鄭而立之以親鄭以郕大鼎賂公國志濟陰郡成武

有郕城杜同

齊陳鄭皆有賂故遂相宋公夏四月取

郕大鼎于宋戊申納于太廟非禮也臧哀伯諫曰君人者
將昭德塞違國高誘呂覽注塞遏也以臨照百官猶懼或
失之故昭令德以示子孫是以清廟茅屋國賈逵云肅然

清靜謂之清廟

詩疏杜

大路越席國服虔云大路祀天

車也越席結括草以爲席也

史記集解按家語卽作越席

又云大路

總名也如今駕駟高車矣尊卑俱乘之其采色有差續漢

書注又云大路木路本疏

王肅云不緣也史記

杜注取服說

大羹不致

淮南王書作大羹不和

粢食不饗國釋文云字林作穀子

天反云糲米一斛春爲八斗玉篇穀許黍切米一斛春

爲八斗也鑿子各切左氏傳云黍食不鑿鑿精也一斛
春爲九斗也按淮南王書作黍食不穀高誘注穀細也
鑿爲穀古字假借昭其儉也衮冕黻珽鄭司農周禮
注衮卷龍衣也釋名畫卷龍于衣也杜注畫衣本此書
孔傳冕冠也正義黻或作黻或作芾音義同白虎通黻
蔽膝也廣雅珽笏也皆杜注所本帶裳幅鄭司農周禮
帶博二寸白虎通云男子有鞶帶者示有金革之事詩
毛傳在下曰裳所以配衣也鄭箋幅斜幅如今行膝也
釋名複其下曰烏衡紃紃鄭司農周禮注衡維持
冠者字林紃冠之垂者詩毛傳紃纓之無綫者從下仰
屬于冠紃冕上覆也杜本此按張衡東京賦衡作珩李善

注引此傳亦同思元賦注云珩與衡音義同也昭其度

也藻率鞞鞞服虔以藻爲畫藻率爲刷巾本疏鄭元禮記

注藻所以藉玉詩毛傳下曰鞞上曰琫按琫與鞞音義

同杜注鞞鞞正與毛傳上下相反疑誤又按東京賦作

藻綵李善注同傳遜云按禮經率帶諸侯大夫皆五采

士二采率與綵同鞶厲游纓服虔云鞶大帶厲是大

帶之垂者禮疏按詩毛傳厲帶之垂者游或作旂或作旒旒旗之垂者也又云纓如索

韁今乘輿大駕有之本疏按疏云賈服等說鞶厲皆與杜

同是杜取賈服說昭其數也火龍黼黻鄭司農考工

記注火謂圓形似火也鄭元云龍水物畫水者并畫龍

考工記白與黑謂之黼黑與青謂之黻書孔傳黼若斧

形黻謂兩己相背本此昭其文也五色比象昭其物也

錫鸞和鈴服虔云鸞在鑣和在衡史記鄭元周禮注錫

馬面當盧詩毛傳鈴在旂杜取服說昭其聲也三辰旂

旗服虔云三辰日月星也杜取謂之辰者辰時也日以

昭晝月以昭夜星則運行于天民得取其時節故謂之

辰也詩服氏注云九旂之總名儀禮昭其明也夫德儉

而有度登降有數文物以紀之聲明以發之以臨照諸本

照臨今百官百官於是乎戒懼而不敢易紀律今滅德立

違而寘其賂器於大廟以明示百官百官象之其又何誅

焉國家之敗由官邪也官之失德寵賂章也郟鼎在廟章

孰甚焉武王克商遷九鼎于洛邑服虔云今河南有鼎

春秋左傳卷五

五

中觀書釋文云雜音洛本亦作洛書孔傳引此作洛按

地理志河南郡有雜陽師古引魚豢曰漢火行忌水故

去洛水而加佳如魚氏說則光武以後始改為雜邑今

諸刊本並皆作雜此從孔傳及宋本改正下並同義士

猶或非之而況將昭違亂之賂器於大廟其若之何公不

聽周內史聞之曰臧孫達其有後於魯乎君違不忘諫之

以德 秋七月杞侯來朝不敬杞侯歸乃謀伐之 蔡侯

鄭伯會于鄧始懼楚也地理志南郡江陵故楚郢都楚

王自丹陽徙此杜本九月入杞討不敬也 公及戎盟

于唐修舊好也 冬公至自唐告于廟也凡公行告于宗

廟反行飲至舍爵高誘呂覽注爵飲爵策勳焉禮也特

相會往來稱地讓事也自參以上則往稱地來稱會成事也初晉穆侯之夫人姜氏以條之役生大子命之曰仇

訓高誘呂覽注暗國名也音晉今為晉字之誤也此說未詳然古人或有依據附此存攷廣雅命名也按說文

名自命也其弟以于畝之戰生**訓**郡國志太原郡界休有于畝聚杜同命之曰成師漢書志二命字皆作名師服曰**訓**賈

逵云晉大夫杜取此異哉君之名子也**訓**按史記名

作命名與命古字通夫名以制義義以出禮禮以體政政以正民是以政成而民聽易則生亂嘉耦曰妃怨耦曰

仇古之命也**訓**按說文引虞書云怨匹曰仇然則此二語

古書之辭故杜注亦以為自古有此言陳樹華云禮記

春秋左傳詁卷五

五

緇衣引詩云君子好仇鄭氏注云仇匹也詩國風君子

好逑鄭氏箋云怨耦曰仇陸氏音義云逑音仇本又作

仇是仇與逑通但此言怨耦則義自不同今君命大子

曰仇弟曰成師始兆亂矣兄其替乎**訓**詩毛傳替廢也釋

文本此惠士奇曰三體石經作替按替乃隸省依說文

當作替今从石經定作替惠之二十四年**訓**石經凡經

傳文二十皆作廿字三十皆作卅惟四十仍作四十晉

始亂故封桓叔于曲沃靖侯**訓**諡法柔德安眾曰靖又恭

已辭言曰靖又寬樂令終曰靖之孫欒賓傳之師服曰

吾聞國家之立也本大而末小足以能固故天子建國諸

侯立家卿置側室大夫有貳宗士有隸子弟**訓**服虔云士

卑自以其子弟為僕隸祿不足以及宗是其有隸子弟也儀禮疏杜取此庶人工商各有分親皆有等衰是以民服事

其上而下無覬覦說文覬欲也服虔覬作窺云窺謂舉

足而視也音義一切經吾友王給事念孫曰漢書武五子傳

廣陵王胥見上年少無子有覬欲心即覬覦也今晉甸

侯也而建國本既弱矣其能久乎惠之三十年晉潘父弑

昭侯而納桓叔諡法容儀恭美曰昭又昭德有勞曰昭

又聖聞周達曰昭不克晉人立孝侯諡法五宗安之

曰孝又慈惠愛親曰孝又秉德不回曰孝又協時肇厚

曰孝惠之四十五年曲沃莊伯伐翼弑孝侯翼人立其

弟鄂侯鄂侯生哀侯哀侯侵陘庭之田庭史記賈逵云

春秋左傳語卷五

翼南鄙邑名史記集解杜取此陘庭南鄙啓曲沃伐翼

三年春曲沃武公伐翼次于陘庭韓萬御戎梁宏為右圖

世本武公莊伯子韓萬莊伯弟本疏服虔云韓萬晉大夫

曲沃桓叔之子莊伯之弟晉大夫以韓為氏詩疏史記集解作賈

注說同杜取此逐翼侯于汾隰水經汾水出太原汾陽縣北

管涔山東南過晉陽縣爾雅下濕曰隰杜本驂絳而止

鄭元儀禮注駢馬曰驂廣雅絳縣也杜本夜獲之及

樂共叔會于贏成昏于齊也夏齊侯衛侯胥命于蒲

不盟也公會杞侯于郕祀求成也秋公子翬如齊逆

女修先君之好故曰公子齊侯送姜氏釋文本或作送

姜氏于謹水經注引傳文又作齊侯送姜氏于下謹非

禮也凡公女嫁于敵國姊妹則上卿送之以禮於先君公
子則下卿送之於大國雖公子亦上卿送之於天子則諸
卿皆行公不自送於小國則上大夫送之 冬齊仲年來
聘致夫人也 芮伯萬之母芮姜惡芮伯之多寵人也故
逐之出居于魏地理志在馮翊臨晉芮鄉故芮國河東

郡河北詩魏國世本芮魏皆姬姓本疏杜本此

四年春正月公狩于郎書時禮也 夏周宰渠伯糾來聘

父在故名 秋秦師侵芮敗焉小之也 冬王師秦師圍

魏執芮伯以歸汲郡古文云取芮伯萬而東之

五年春正月甲戌己丑陳侯鮑卒再赴也於是陳亂文公

子佗殺大子免而代之公疾病鄭元論語注病謂疾困

春秋左傳卷五

三

也本疏按白虎通巡狩篇傳曰甲戌之日亡己丑之日死

而得有狂易之病蜚亡而死由不絕也據此則鮑之病

蓋狂易甲戌日已亡尙未絕己丑日始盡死耳而亂作

國人分散故再赴 夏齊侯鄭伯朝于紀欲以襲之紀人

知之 王奪鄭伯政鄭伯不朝 秋王以諸侯伐鄭鄭伯

禦之王爲中軍虢公林父將右軍蔡人衛人屬焉周公黑

肩將左軍賈逵云黑肩莊王弟子儀也史記周本紀集解 陳人

屬焉鄭子元請爲左拒以當蔡人衛人爲右拒以當陳人

曰陳亂民莫有鬪心若先犯之必奔王卒顧之必亂蔡衛

不枝高誘戰國策注支猶拒也支枝字同韋昭國語注

枝拄也固將先奔既而萃于王卒可以集事從之易

豕下傳萃聚也詩鄭箋集猶成也杜本曼伯為右拒祭

仲足為左拒原繁高渠彌史記作高渠昧以中軍奉公為魚麗之

陳先偏後伍司馬法車戰二十五乘為偏周禮司馬五

人為伍杜本伍承彌縫廣雅釋詁縫合也戰于繻葛

命二拒曰旂動而鼓賈逵以旂為發石一曰飛石范蠡

兵法云飛石重二十斤為機發行二百步本說文旂建

大木置石其上發以機以礮敵釋文云旂說文作檜按

今刻本說文仍作旂又按三國志太祖為發石車擊袁

紹注引魏氏春秋曰以古有矢石又傳言旂動而鼓說

曰旂發石也于是造發石車惠棟云說者即賈侍中說

也杜以旂為旃蓋本馬融今按新唐書李密傳造雲旂

春秋左傳卷五

三

三百具以機發石為攻城具號將軍礮益可證賈氏之

說杜注雖本馬融然究不若賈說之信而有徵也蔡衛

陳皆奔王卒亂鄭師合以攻之王卒大敗祝聃射王中肩

史記作祝聃射王中臂王亦能軍祝聃請從之公曰君子不欲多上

人況敢陵天子乎今本作凌非是苟自救也社稷無隕多

矣夜鄭伯使祭足勞王且問左右仍叔之子弱也秋

大雩書不時也凡祀啓蟄而郊服虔注左傳曰一說郊

祀天祈農事雩祭山川而祈雨也續漢書注服虔注魯祭天

以孟月祭宗廟以仲月釋龍見而雩服虔云龍角亢

也謂四月昏龍星體見萬物始盛待雨而大故雩祭以

求雨也續漢書注穎氏以為龍見五月釋始殺而嘗賈服

始殺惟據孟春不通建酉之月本疏按杜注亦從賈服以
雩爲遠閉蟄而烝過則書 冬清于公如曹度其國危

遂不復地理志北海郡清于應劭曰春秋州公如曹左

二氏傳曰清于公如曹臣黷曰州國名也清于公國之所

都杜注

六年春自曹來朝書曰實來不復其國也 楚武王侵隨

賈逵云隨姬姓史記世本同地理志南陽郡隨故國

杜本使遠章求成焉王符潛夫論衮冒生為章者王

子無鈞也令尹孫叔敖者為章之孫也薨與為同被見

僖二十七年傳注軍於瑕以待之隨人使少師董成爾雅董正也杜本

爾雅董正也杜本鬬伯比言於楚子曰吾不得志于漢

春秋左傳詩卷五

東也我則使然我張吾三軍而被吾甲兵詩毛傳張大

也杜本以武臨之彼則懼而協以謀我故難問也漢東

之國隨為大隨張必弃小國小國離楚之利也少師侈請

羸師以張之章昭國語注羸弱也杜本熊率且比曰季

梁水經注引在何益鬬伯比曰以為後圖少師得其君王

毀軍而納少師少師歸請追楚師隨侯將許之季梁止之

曰天方授楚楚之羸其誘我也君何急焉臣聞小之能敵

大也小道大淫所謂道忠於民而信於神也上思利民忠

也祝史正辭信也今民餒而君逞欲餒當祝史矯舉以祭

餒當祝史矯舉以祭餒當祝史矯舉以祭

知其可也公曰吾牲牷肥腍服虔曰牛羊曰肥豕曰腍

本書孔傳牛羊豕曰牲鄭司農周禮注牲純也杜取服義兼本

此 粢盛豐備何休公羊傳黍稷曰粢在器曰盛惠士

奇曰禹廟殘碑作資盛說文作齋云稷也从禾齊聲或作粢从次按石經宋本皆作粢鄭注周禮云盥讀爲粢

何則不信對曰夫民神之主也是以聖王先成民今本誤作名詩

正義引作先成於民多一於字而後致力於神故奉牲以告曰博碩肥膄

鄭元儀禮注博廣也詩毛傳碩大也杜本謂民力之

普存也詩正義引此謂下多其字按以下二句例之似當有其字謂其畜之碩大蕃滋

也謂其不疾瘕蠹也釋文稱說文蠹作瘕按說文無瘕

字瘕字下注云小腫也从疒坐聲一曰族衆臣鉉等曰

今別作瘕蠹非是今攷玉篇瘕蠹皮膚病左傳曰不疾

瘕蠹也一作瘕按釋文所引說文疑屬玉篇之誤又按

說文瘕字注既云小腫而陸氏所引說文亦云皮肥是

族衆不過皮毛肥腫之病故玉篇云然杜注以疥癬當

之考說文疥搔也癬乾瘍也恐非其義謂其備膄咸有

也奉盛以告曰絜粢豐盛謂其三時不害而民和年豐也

奉酒醴以告曰嘉栗旨酒爾雅嘉善也何休公羊傳栗

猶戰栗謹敬貌杜本此謂其上下皆有嘉德而無違心也

所謂馨香無讒慝也故務其三時修其五教親其九族

古尚書說九族者從高祖至元孫凡九按杜注九族雖

用戴歐陽等說然諸侯絕旁親況下云致其禮祀則非

施于他姓可知究當以孔鄭說爲是以致其禮祀

文謹敬也此杜本於是乎民和而神降之福文選注引此而下有後字

故動則有成今民各有心而鬼神之主君雖獨豐其何福

之有君姑修政而親兄弟之國庶免於難隨侯懼而修政

楚不敢伐夏會于成紀來諮謀齊難也北戎伐齊齊

侯使乞師于鄭鄭太子忽帥師救齊六月大敗戎師獲其

二帥大良少良甲首三百以獻於齊於是諸侯之大夫戎

齊齊人饋之餼論語集解引鄭注牲生曰餼此杜本陳樹

華云說文氣字下引春秋傳云齊人來氣諸侯槩字下

云氣或从既餼字下云氣或从食餼之為氣槩之為既

皆古文也杜子春云字當為餼失之使魯為其班閔鄭

元儀禮注班次也此杜本後鄭鄭忽以其有功也怒故有

春秋左傳詁卷五

三五

郎之師公之未昏於齊也齊侯欲以文姜妻鄭大子忽大

子忽辭人問其故大子曰人各有耦齊大非吾耦也詩云

自求多福在我而已大國何為君子曰善自為謀及其敗

戎師也齊侯又請妻之固辭人問其故大子曰無事於齊

吾猶不敢今以君命奔齊之急而受室以歸是以師昏也

民其謂我何遂辭諸鄭伯秋大閱簡車馬也九月丁

卯子同生以大子生之禮舉之接以大牢接鄭注禮記作捷服

度云桓公之大子莊公同禮唐呂才陰陽雜書序以長

歷檢之莊公生當乙亥之歲建申之月賈注云不稱大

子者書始生禮服度云接者子初生接見于父覽卜士

負之士妻食之公與文姜宗婦命之公問名於申編閔賈

達云申編魯大夫

史記集解杜取此

對曰名有五有信有義有

象有假有類以名生爲信

類命作類名以德命爲義

文王曰昌命武王曰發

於父爲類不以國不以官不以山川

書胎教篇名無取于名山通谷不以隱疾不以畜牲

鄭眾服虔皆以六畜爲馬牛羊豕犬雞

服虔以爲俎豆鬯彘犧象之屬皆不可以爲名也

人以諱事神名終將諱之

名君高誘注周人以諱事神徽之至也故以國則廢名

以官則廢職以山川則廢主以畜牲則廢祀以器幣則廢

禮晉以僖侯廢司徒宋以武公廢司空

司空廢司空爲司城

聰明睿知曰獻又知質有聖曰獻是以大物不可以命

公曰是其生也與吾同物

星辰是也與桓公同日故曰同物古稱六物唐稱六命

命之曰同冬紀侯來朝請王命以求成于齊公告不能

七年春穀伯鄧侯來朝名賤之也

楚不親仁善鄰以自固卒爲楚所滅無同好之救桓又

有弑賢兄之惡故賤而名之

背之秋鄭人齊人衛人伐盟向王遷盟向之民于郊

地理志河南郡河南故邾郟也玉篇邾洛陽北地

此

冬曲沃伯誘晉小子侯殺之

八年春滅翼 隨少師有寵楚鬬伯比曰可矣警有豐鬬

韋昭國語注豐瑕也辭綜東京賦注豐隙也此本不可

失也夏楚子合諸侯于沈鹿黃隨不會使薳章讓黃鬬地

理志南郡弋陽縣應劭曰故黃國此本楚子伐隨軍于

漢淮之間季梁請下之弗許而後戰所以怒我而怠寇也

少師謂隨侯曰必速戰不然將失楚師隨侯禦之望楚師

季梁曰楚人上左君必左無與王過且攻其右右無良焉

必敗偏敗眾乃攜矣少師曰不當王非敵也弗從戰于速

杞隨師敗績隨伊逃鬬韋昭國語注逸奔也鬬丹獲其戎

車與其戎右少師秋隨及楚平楚子將不許鬬伯比曰天

春秋左傳卷五

五

其疾矣隨未可克也乃盟而還 冬王命虢仲立晉宣

侯之弟緡于晉 祭公來遂邁王后于紀禮也

九年春紀季姜歸于京師凡諸侯之女行惟王后書 巴

子使韓服告于楚鬬地理志巴郡應劭曰左氏傳巴子使

韓服告楚此本請與鄧為好楚子使道朔將巴客以聘

於鄧鄧南鄙鄧人鬬說文鄧曼姓之國鄧鄧國地也春秋

傳曰鄧南鄙鄧人攻之按此即哀十八年巴人伐楚圍

鄧之鄧杜注云楚邑蓋楚滅鄧之後鄧又為楚邑也郡

國志南陽郡有鄧聚晉書地理志襄陽郡鄧縣按縣蓋

晉置後省圖經襄陽縣北有鄧城攻而奪之幣殺道朔

及巴行人楚子使薳章讓于鄧鄧人弗受夏楚使鬬廉帥

師及巴師圍鄧鄧養甥明甥帥師救鄧三逐巴師不克鬪
廉衡陳其師於巴師之中國廣雅衡橫也此以戰而北

國釋文云稽康北音背章昭國語注軍敗奔走曰北北

古之背字也此鄧人逐之背巴師而夾攻之鄧師大

敗鄧人宵潰詩毛傳宵夜也此秋虢仲芮伯梁伯

地理志左馮翊夏陽故少梁此正義據僖十七年傳

知梁為嬴姓荀侯說文郇周武王子所封國在晉地

按應劭北征賦注引此作郇侯地理志注亦同郇荀古

字同賈伯劉昭引博物志臨汾有賈鄉賈伯邑伐曲

沃冬曹大子來朝賓之以上卿禮也服虔云大子桓

公子莊公射姑麗又云曹伯有故使其大子攝而朝曲

春秋左傳註卷五

五

禮曰諸侯之嫡子攝其君來誓于天子則以皮帛繼子

男諸侯之上卿之禮也上卿出入三食三牢牽二牢一

享一食宴之也同上杜享曹大子初獻樂奏而歎服

虔云初獻酒如獻爵樂奏人上堂也初獻爵樂奏大子

歎而哀樂也同上杜施父曰服虔云施父魯大夫取此

曹大子其有憂乎非歎所也服虔云古之為享食所

以觀威儀省禍福無喪而感憂必讐焉今大子臨樂而

嘆是父將死而兆先見也疏本

十年春曹桓公卒 虢仲諳其大夫詹父于王詹父有辭

以王師伐虢 夏虢公出奔虔地理志河東郡大陽吳

山在西上有吳城周武王封大伯後于此是為虔公為

晉所滅杜本秋秦人納芮伯萬于芮初虞叔有王虞

公求旃詩毛傳旃之也杜本弗獻既而悔之曰周諺有

之李善文選注引作周任匹夫無罪懷璧其罪吾焉用此其以買害

也爾雅賈市也乃獻之又求其實劔叔曰是無厭也無

厭將及我遂伐虞公故虞公出奔其池爾雅圖經共城在解

州平陸縣西四十里冬齊衛鄭來戰于郎我有辭也初

北戎病齊諸侯救之鄭公子忽有功焉齊人饋諸侯使魯

次之魯以周班後鄭人怒請師于齊齊人以衛師助之

故不稱侵伐先書齊衛王為也

十一年春齊衛鄭宋盟于惡曹爾雅服虔以為不書宋宋後

盟本疏楚屈瑕爾雅王逸楚辭章句楚武王生子瑕受屈為

春秋左傳註卷五

堯

客卿因為氏將盟貳軫爾雅國名記貳偃姓在隨州南

楚滅之軫亦偃姓在楚東南亦楚所滅鄭人軍于蒲騷

爾地理志江夏郡雲杜應劭曰左傳若敖取于邲今邲

亭是也邲釋文本亦作涓涓鄭音義並同按通典應城

縣有古蒲騷城今考安陸應城本春秋邲子之國邲人

蓋軍于已境也將與隨絞州蓼爾雅春秋地圖洩在漢水

之北說文鄆地名从邑麥聲釋文云蓼或作鄆鄭氏詩

箋亦引作鄆地理志南陽郡湖陽故廖國郡國志南陽

郡棘陽有湖陽邑杜本圖經監利縣東三十里有州陵

城春秋時州國伐楚師莫敖患之漢書志鬬廉曰鄭人

軍其郊必不誠且日虞四邑之至也爾雅廣雅虞望也按言

日望四邑之至也較社義爲長君次于郊郢以禦四邑
我以銳師宵加于鄖鄖有虞心而恃其城莫有鬪志若敗
鄖師四邑必離莫敖曰盍請濟師於王鄭元禮記注盍

何不也此社本對曰師克在利不在眾商周之敵君之

所聞也成軍以出又何濟焉莫敖曰卜之對曰卜以決疑

不疑何卜遂敗鄖師于蒲騷卒盟而還鄭昭公之敗北

戎也齊人將妻之昭公辭祭仲曰必取之君多內寵服

虔云言庶子有寵者多集解子無大援將不立三公子

皆君也弗從夏鄭莊公卒初祭封人國郡國志陳畱郡

長垣古祭城此社同仲足有寵於莊公莊公使爲卿爲公

娶鄧曼生昭公故祭仲立之宋雍氏女於鄭莊公曰雍姑

春秋左傳正義卷五

四

生厲公賈逵云雍氏黃帝之孫姑姓之後爲宋大夫杜

此雍氏宗有寵於宋莊公服虔云爲宋正卿故曰有

寵上按春秋之世宋未嘗以異姓爲正卿不知服何據

故誘祭仲而執之曰不立突將死亦執厲公而求賂焉祭

仲與宋人盟以厲公歸而立之秋九月丁亥昭公奔衛

己亥厲公立

十二年夏盟于曲池平杞莒也公欲平宋鄭秋公及宋

公盟于句瀆之上宋成未可知也故又會于虛冬又會于

龜宋公辭平故與鄭伯盟于武父遂帥師而伐宋戰焉宋

無信也君子曰苟信不繼盟無益也詩云君子婁諸本

今從釋亂是用長無信也楚伐絞軍其南門莫敖屈瑕

曰絞小而輕輕則寡謀請無扞采樵者以誘之高誘戰

國策注捍禦也廣雅樵薪也從之絞人獲三十人杜本

明日絞人爭出驅楚役徒于山中楚人坐其北門廣雅

坐止也惠棟云按兵法有立陳坐陳見尉繚子立陳所

以行也坐陳所以止也傳曰裹糧坐甲又云王使甲坐

于道又云士皆坐列司馬法云徒以坐固荀子曰庶士

介而坐道及此傳坐其北門皆坐陳也按此則坐字當

從廣雅訓為止杜注坐猶守也于訓詰為不合矣而覆

諸山下大敗之為城下之盟而還伐絞之役楚師分涉於

彭水經漢水過筑陽縣東筠水出自房陵縣東過其縣

南澆注之按道元云杜預謂之彭水今攷楚附庸臨彭

春秋左傳註卷五

里

水當卽絞羅人欲伐之地理志南郡枝江故羅國世

本羅熊姓使伯嘉謀之三巡數之章昭國語注

謀候也鄭氏周禮注巡徧也

十三年春楚屈瑕伐羅鬪伯比送之還謂其御曰漢志御

莫敖必敗舉趾高按漢書五行志引傳趾作止高誘呂

覽注止足也鄭注士昏禮古文止作趾易虞翻注亦云

趾足也心不固矣遂見楚子曰必濟師楚子辭焉

入告夫人鄧曼鄧曼曰大夫其非眾之謂其謂君撫小民

以信說文撫安也廣雅同訓諸司以德而威莫敖以刑

也莫敖狃於蒲騷之役說文狃犬性驕也玉篇狃狎習

也按杜訓狃為怙本小爾將自用也必小羅君若不鎮

撫國廣雅鎮安也其不設備乎夫固謂君訓眾而好鎮撫之國服虔云夫謂鬪伯比本疏襄二召諸司而勸之以令

德見莫敖而告諸天之不假易也不然夫豈不知楚師之

盡行也楚子使賴人追之國地理志南陽郡隨有厲鄉故

厲國此師古曰厲讀曰賴郡國志汝南郡褒信有賴

亭故國按此賴國所在當以地理志為是及莫敖使

徇于師曰國說文徇行示也从彳勻聲司馬法斬以徇廣

雅徇巡也杜注徇宣令也義亦本此玉篇徇同徇諫者

有刑及鄢亂次以濟淇水國釋文本或作亂次以濟其水

按水經注引傳作亂次以濟淇水攷汴水與夷水亂流

東出謂之淇水汴淇同後傳寫誤耳國逕蠻城南城在宜城南三十

春秋左傳諸卷五

聖三

里杜預釋例羅在宜城縣西山中後在南郡枝江縣自

楚及羅須渡此水杜本因脫淇水二字故注析不清釋

文其字又誤脫水旁今从酈注及釋文增入二字又按

杜注以此傳之鄢為水名亦誤攷鄢楚縣名昭十三年

王沿夏將欲入鄢服虔云鄢別都也此傳文鄢字亦指

楚縣而言不指鄢水杜注及正義皆誤遂無次且不設

備及羅羅與盧戎兩軍之國釋文盧或作盧盧盧古字同

按文十六年楚使盧侵庸書牧誓微盧彭濮人皆卽指

此史記作纘亦通括地志金州有石盧國大敗之莫敖

縊于荒谷羣帥囚于冶父國水經注沔水下白湖等三湖

合為一水東通沔谷東岸有冶父城按皆當在今江陵

又按說文荒谷字當作兪釋文亦云本或作兪荒後傳
寫誤耳以聽刑楚子曰孤之罪也皆免之 宋多責賂

於鄭鄭不堪命故以紀魯及齊與宋衛燕戰不書所戰後
也服虔云不日者公至而後定戰日地之與日當同時

設期公既不及期地安得及期日也本疏杜亦取此鄭人來請

修好

十四年春會于曹曹人致餽禮也 夏鄭子人來尋盟且

修曹之會 秋八月壬申御廩災乙亥嘗書不害也 冬

宋人以諸侯伐鄭報宋之戰也焚渠門入及大達伐東郊

取牛首水經注沙水又東南逕牛首亭東左傳伐東郊

取牛首者也俗謂之車牛城矣按道元當本舊說以大

春秋左傳卷五

五

宮之椽歸爲盧門之椽說文周謂之椽齊魯謂之稱

十五年春天王使冢父來求車非禮也諸侯不貢車服天

子不私求財 祭仲專鄭伯患之使其壻雍糾殺之賈

逵云雍糾鄭大夫史記爾雅女子之夫爲壻將享諸郊

雍姬知之謂其母曰父與夫孰親其母曰人盡夫也父一

而已胡可比也遂告祭仲曰雍氏舍其室而將享子於郊

吾惑之以告祭仲殺雍糾尸諸周氏之汪服虔通俗文

亭水曰汪音義按高誘淮南王書注作矢謂周氏之

汪今攷尸矢皆陳也義並通公載以出曰謀及婦人宜

其死也夏厲公出奔蔡 六月乙亥昭公入 許叔入于

許 公會齊侯于艾謀定許也 秋鄭伯因櫟人殺檀伯

史記作單伯服虔云鄭守櫟大夫水經注又云櫟鄭之大夫同上

又史記集解杜取此而遂居櫟 冬會于袤謀伐鄭將納厲公也

弗克而還

十六年春正月會于曹謀伐鄭也 夏伐鄭秋七月公至

自伐鄭以飲至之禮也 冬城向書時也 初衛宣公烝

於夷姜生急子史記漢書人表並作服虔云上淫曰烝

詩疏杜取此屬諸右公子為之娶於齊而美公取之生壽及

朔屬壽于左公子夷姜縊說文縊經也春秋傳曰夷姜

縊宣姜與公子朔構急子服虔云構會其過惡杜取

此公使諸齊使盜待諸莘將殺之服虔云莘衛東地

同上京相璠曰今平原陽平縣北十里有故莘亭阨限踈

春秋左傳註卷五

四

要自衛適齊之道也水經注郡國志陽平侯國有莘亭杜

此壽子告之使行不可曰棄父之命惡用子矣高誘

呂覽注惡安也杜本有無父之國則可也及行飲以酒

壽子載其旌以先盜殺之急子至曰我之求也此何罪請

殺我乎又殺之二公子故怨惠公十一月左公子泄諸本

今从古今人表改正右公子職立公子黔牟惠公奔齊

十七年春盟于黃平齊紀且謀衛故也 及邾儀父盟于

趙尋蔑之盟也 夏及齊師戰于奚疆事也於是齊人侵

魯疆疆吏來告公曰疆場之事說文疆界也从畎三其

界畫也或从疆土惠棟曰古文作疆易周禮有疆地易

地楊統碑云疆易不爭張公神道碑云疆界家靜呂君

碑云慎守彊易蓋用此文慎守其一而備其不虞姑盡所備焉事至而戰又何謁焉 蔡桓侯卒蔡人召蔡季于陳 秋蔡季自陳歸于蔡蔡人嘉之也 伐邾宋志也

冬十月朔日有食之不書日官失之也天子有日官諸侯有日御日御服虔云日官日御典歷數者也周禮疏日官居卿日御服虔云是居卿者卿居其官以主之重歷數也疏本以

底日日御顧炎武云五經無底字皆是底字惟左傳襄二十九年處而不底昭元年勿使有壅閉湫底乃章禮反耳

今說文本底字下有一畫誤也字當从氏按底與抵古字通廣雅釋詁抵推也此抵日猶言推日耳杜注平也

似未諦禮也呂御不失日以授百官于朝 初鄭伯將

春秋左傳詁卷五

聖五

以高渠彌為卿昭公惡之固諫不聽昭公立懼其殺已也

辛卯弑昭公而立公子亶韓非子作君子謂昭公知所惡矣 公子達曰韓非子作高伯其為戮乎復惡已甚矣韓非子復作報

報按據韓非子則復當訓報復之復鄭康成周禮注復猶報也杜注重也失之陳樹華校本同

十八年春公將有行遂與姜氏如齊申縞管子作申俞 曰女有家男有室無相瀆也謂之有禮易此必敗公會齊侯于濼

遂及文姜如齊齊侯通焉日御服虔云旁淫曰通疏公謫之 韋昭漢書注謫譴也杜本以告夏四月丙子享公日御

服虔云為公設享讖之禮杜取此使公子彭生乘公

日御蔡邕獨斷乘猶載也公薨于車日御史記魯世家使公

子彭生抱魯桓公因命彭生折其脅公死于車按玉篇
斨字下引左氏傳云拉公斨而殺之云以手拉折其斨

今攷玉篇誤以公羊爲左氏傳下句卽何休注也詩毛
傳又云搯殺之說文搯捉也與拉字義亦通魯人告于

齊曰寡君畏君之威不敢寧居來修舊好禮成而不反無
所歸咎惡於諸侯請以彭生除之齊人殺彭生秋齊侯

師于首止服虔云首止近鄭之地史記郡國志陳留郡

已吾有首鄉杜同子亶會之高渠彌相七月戊戌齊人

殺子亶而轅高渠彌鄭元周禮注轅車裂也杜本祭仲

逆鄭子于陳而立之服虔云鄭子昭公弟子儀也詩按

史記作召公子亶弟公子嬰于陳而立之是爲鄭子按

小司馬云左傳以鄭子名子儀此云蓋必有所見杜取

服說是行也祭仲知之故稱疾不往人曰祭仲以知免

仲曰信也周公欲弑莊王而立王子克鬲賈逵云莊王

弟子儀也史記集解辛伯告王鬲賈逵云辛伯周大夫

也同上杜遂與王殺周公黑肩王子克奔燕初子儀有

寵於桓王桓王屬諸周公辛伯諫曰竝后匹嫡兩政耦國

亂之本也周公弗從故及

春秋左傳詁卷六

陽湖洪亮吉學

傳

莊公元年春不稱即位文姜出故也韻魏書引服虔注云

文姜通于兄齊襄與殺公而不反父殺母出隱痛深諱

期而中練思慕少殺念至于母故經書三月夫人孫于

齊既有念母深諱之文明無讐疾告列之理三月夫人

孫于齊不稱姜氏絕不為親禮也韻魏書引注云夫人有

與殺桓之罪絕不為親得尊父之義善莊公思大義絕

有罪故曰禮也按說苑亦云絕文姜之屬而不為不愛

其母正可與服說相發明杜注似非秋築王姬之館于

春秋左傳詁卷六

外為外禮也

二年冬夫人姜氏會齊侯于禚書姦也

三年春溺會齊師伐衛疾之也夏五月葬桓王緩也

秋紀季以鄆入于齊紀於是乎始判韻說文判分也杜本

冬公次于滑將會鄭伯謀紀故也鄭伯辭以難凡師一宿

為舍再宿為信過信為次韻賈逵云若魯公次乾侯之比

本疏詩毛傳一宿曰宿再宿曰信

四年春王三月楚武王荆尸韻爾雅尸陳也杜本授師子

馬以伐隨韻注云子句子考工方言楚謂戟為子杜本將

齊入告夫人鄧曼曰韻服虔云鄧曼姓史記余心蕩韻賈

逵云蕩搖也上鄧曼歎曰王祿盡矣盈而蕩天之道也

先君其知之矣故臨武事將發大命而蕩王心焉若師徒無虧王薨於行國之福也王遂行卒於楛木之下

說文楛松心木按杜注止云木名故采說文補之或說文本

賈氏說也高誘淮南王書注楛讀姓楛氏之楛釋文及

正義俱云有曼朗二音疑非正義又疑楛木爲朗榆亦

不見說文之故余以歲己未遣戍伊犁道過天山樹如

松者萬株土人尙呼爲楛驗之皆松心木與說文無異

又考竟陵縣武來山一名楛木山樂史稱郡國志左傳

楚武王卒於楛木之下卽此山令尹鬬郈莫敖屈重

按此屈重當係屈瑕之子除道梁嗟

說文嗟水在漢南荆州浸也春秋傳曰修除梁嗟按今本修涂作除道

然考杜注則杜時本已與漢異又按說文嗟荆州浸本

周禮職方而釋例以爲義陽縣西滌水亦誤嗟釋文引

高貴鄉公音側稼反云水名字林壯加反營軍臨隨隨

人懼行成莫敖以王命入盟隨侯且請爲會於漢洎而還

說文鄭元尙書注洎之言內也

此本濟漢而後發喪紀侯不能下齊以與紀季夏紀侯大去其國違齊難也

昭國語注違避也

五年秋郟犁來來朝名未王命也冬伐衛納惠公也

六年春王人救衛夏衛侯入放公子黔牟于周放甯跪

于秦

說文放逐也殺左公子泄右公子職乃卽位君子以二公子之立黔牟爲不度矣夫能固位者必度其本末

而後立衷焉不知其本不謀知本之不枝弗強詩云本枝

百世詩大雅作支冬齊人來歸衛寶文姜請之也 楚文王伐

申過鄧鄧祁侯曰爾雅諡法治典不殺曰祁吾甥也爾雅

謂我舅者吾謂之甥釋名舅謂姊妹之子曰甥杜本止

而享之騶甥古今人表作駐明甥養甥請殺楚子鄧侯弗許三甥

曰亡鄧國者必此人也若不早圖後君噬齊按玉篇引

左傳作臍臍俗字當作齊釋名臍劑也臍端之所限制

也說文噬啗也喙也蓄字下注云齧噬也杜本其及圖

之乎圖之此為時矣鄧侯曰人將不食吾餘對曰若不從

三臣抑社稷實不血食而君焉取餘弗從還年楚子伐鄧

十六年楚復伐鄧滅之

春秋左傳卷六

三

七年春文姜會齊侯于防齊志也 夏恆星不見夜明也

星隕如雨與雨偕也詩毛傳偕俱也杜本秋無麥苗不

害嘉穀也

八年春治兵于廟禮也公羊作祠兵按周禮大司馬之職賈

公彥正義引此傳治兵于廟禮也又引注云三年而治

兵與秋同名兵將出故曰治兵今杜注無之則公彥所

引當係服說夏師及齊師圍邠邠降于齊師仲慶父請

伐齊師公曰不可我實不德齊師何罪罪我之由夏書曰

皋陶邁種德爾雅孔安國尚書傳邁行也說文邁遠行也按

書傳及爾雅等皆訓邁為行杜注邁勉也邁字無勉義

恐非德乃降姑務修德以待時乎秋師遣君子是以善

魯莊公 齊侯使連稱管至父戍葵丘註賈逵云連稱管

至父皆齊大夫史記集解京相璠曰齊西五十里有葵丘經水

同此瓜時而往曰及瓜而代註服虔云瓜時七月及瓜

為後年瓜時期戍公問不至註說文問訊也按杜注問

命也恐非請代弗許註尉繚子曰兵戍過一歲遂亡不

侯代者法比亡軍故謀作亂僖公之母弟曰夷仲年生

公孫無知古今人表作有寵於僖公衣服禮秩如適註按

說文秩字下云積也詩云積之秩秩黟字下注云爵之

次第也虞書曰平黟東作是二字文義俱別經典从省

借秩為黟耳襄公緇之註說文黜黜下也廣韻黜亦作

緇按緇黜古字同文元年傳黜乃亂也史記即作緇二

春秋左傳詁卷六

四

人因之以作亂連稱有從妹在公宮註服虔云為妾在宮

也史記集解無寵使問公註王肅云侯公之間隙廣雅問視

也杜本曰捷註詩毛傳捷勝也吾以女為夫人冬十三

月齊侯游于姑棼註賈逵云姑棼齊地也史記集解遂田于貝

丘史記作京相璠曰博昌縣南近澗水有地名貝丘在

齊城西北四十里水經注按地理志清河郡貝丘應劭

曰左氏傳齊襄公田于貝丘是酈元以應說為疎今考

貝丘縣故城在今廣平府清河縣界春秋時屬齊國雖

較博昌為遠然齊侯出田本無定地景公欲觀轉附朝

儻遵海而南又豈得以遠疑之乎應說或當有據也見

大豕史記豕從者曰公子彭生也公怒曰彭生敢見射之

註服虔云公見彘從者乃見彭生鬼改形爲豕也史記

杜取豕人立而啼 **註**服虔云啼呼也文選公懼隊于車

傷足喪屨反誅屨 **註**孔安國論語注誅責也杜本於徒人

費史記 **註**按古今人表有寺人費師古曰卽徒人費也據

此則費蓋宦者弗得鞭之見血走出遇賊于門劫而束

之 **註**鄭元禮記注劫劫脅也費曰我奚御哉袒而示之背

註廣雅袒解也信之費請先入伏公而出鬪死于門中

石之紛如死于墜下遂入殺孟陽于牀 **註**說文牀安身之

坐也曰非君也不類見公之足于戶下遂弑之而立無

知初襄公立無常鮑叔牙曰君使民慢亂將作矣奉公子

小白出奔莒亂作管夷吾召忽奉公子糾來奔 **初公孫**

無知虐于雍廩 史記作 **註**賈逵云葵丘大夫 史記 史記齊

世家齊君無知游于雍林雍林人嘗有怨無知及其往

游雍林人襲殺無知按梁元帝金樓子亦與史記同古

今人表又作雍廩人稟廩古字通水經注作離稟今考

若據史記金樓子則雍林地名據賈逵注及檢古今人

表則雍廩人名今細繹經傳上云虐于雍廩下經云齊

人殺無知傳又云雍廩殺無知則當以人名爲是杜注

亦取賈說

九年春雍廩殺無知 **公**及齊大夫盟于饒齊無君也

夏公伐齊納子糾桓公自莒先入狄師及齊師戰于乾時

我師敗績公喪戎路傳乘而歸 **註**按漢書宣帝紀得毋用

傳集注傳謂傳舍今考此傳乘亦謂乘驛傳以歸杜注云乘他車恐誤秦子梁子以公旗辟于下道是以皆止

請章昭國語注止獲也杜本鮑叔帥師來言曰子糾親也請君討之管召讐也請受而甘心焉乃殺子糾于生竇

史記作筮賈逵云生竇魯地句竇史記索隱地理志濟

陰郡句陽應劭曰左氏傳句瀆之丘也召忽死之按

論語自經于溝瀆即指召忽襄十九年齊莊公執公子

牙于句瀆之丘句竇溝瀆音同據此則召忽之死蓋自

經也後漢書應劭傳載劭議亦云昔召忽死子糾之難

而孔子曰經于溝瀆人莫之知是也管仲請囚鮑叔受

之及堂阜而稅之賈逵云堂阜魯北境史記集解按文十五

年傳節棺置諸堂阜明堂阜為齊魯交界既至齊境故

即釋其縛也歸而以告曰管夷吾治於高侯賈逵云

齊正卿高敬仲也同秘笈新書齊太公六代孫支公子

高孫侯以王父字為氏使相可也公從之

十年春齊師伐我公將戰曹劌請見戰國策劌作洙呂其

鄉人曰肉食者謀之又何問焉劌曰肉食者鄙未能遠謀

乃入見問何以戰公曰衣食所安弗敢專也必以分人對

曰小惠未徧民弗從也公曰犧牲玉帛弗敢加也必以信

對曰小信未孚虞翻易注孚信也按杜隨文生訓故加

大字神弗福也公曰小太之獄雖不能察必以情對曰

忠之屬也可以一戰戰則請從公與之乘戰于長勺公將

鼓之劓曰未可齊人三鼓劓曰可矣齊師敗績公將馳之
劓曰未可下視其轍說文轍車迹也登軾而望之曰可
矣遂逐齊師既克公問其故對曰夫戰勇氣也一鼓作氣
再而衰三而竭彼竭我盈故克之夫大國難測也懼有伏
焉吾視其轍亂望其旗靡說文靡披靡也故逐之夏
六月齊師宋師次于郎公子偃曰宋師不整可敗也宋敗
齊必還請擊之公弗許自雲門竊出廣雅竊私也蒙皋
比而先犯之樂記曰倒載干戈蒙之以虎皮名之曰建
橐鄭元以為兵甲之衣曰橐橐韜也而其字或作建皋
故服虔引以解此本疏杜取此公從之大敗宋師于乘丘齊
師乃還 蔡哀侯娶于陳息侯亦娶焉息媯將歸過蔡蔡

春秋左傳卷六

七

侯曰吾媯也李善文選注引此爾雅妻之姊妹同出為

媯釋名妻之姊妹曰媯媯弟也言與己妻相長弟也杜本

此止而見之弗賓息侯聞之怒使謂楚文王曰伐我吾

求救於蔡而伐之楚子從之秋九月楚敗蔡師于莘以蔡

侯獻舞歸 齊侯之出也過譚譚不禮焉及其入也諸侯

皆賀譚又不至冬齊師滅譚譚無禮也譚子奔莒同盟故

也

十一年夏宋為乘丘之役故侵我公禦之宋師未陳而薄

之高諺淮南王書注薄迫也廣雅同敗諸鄙凡師敵未

陳曰敗某師皆陳曰戰大崩曰敗績得僑曰克釋文本

或作俊按漢書顏師古陳湯傳注引此作得俊曰克玉

篇云僇同後也覆而敗之曰取某師服虔云覆隱也

設伏而敗之謂攻其無備出其不意敵人不知敗之易

故曰取本京師敗曰王師敗績于某釋文木或作京秋

宋大水公使弔焉史記賈逵云問凶曰弔集解曰天作淫雨

害於粢盛若之何不弔鄭元周禮注引對曰孤實不敬天

降之災又以爲君憂拜命之辱臧文仲曰宋其興乎禹湯

罪己其興也悖焉釋文一本作勃今按爾雅釋詁作淳正

興也勃然呂覽當梁篇廣雅淳盛也杜本桀紂罪人

其亡也忽焉引傳作勃焉陳蕃傳同廣雅淳盛也杜本桀紂罪人

言懼而名禮其庶乎既而聞之曰公子御說之辭也史記

御古今史記宋世家此言乃公子魚教潛公也與左

傳異按子魚即公子日夷至僖八年始見左傳距此尚

三十餘年史記說非也當以左傳爲是臧孫達曰世

本孝公生僖伯彊彊生哀伯達達生伯氏瓶瓶生文仲

辰惠棟曰此傳先載文仲之言不應後錄哀伯之語達

當爲辰字之誤也桓二年傳先稱臧哀伯後云臧孫達

與此一例今按哀伯此時當已久卒故文仲世其職明

達爲辰字之誤是宜爲君有恤民之心冬齊侯來逆

共姬按此則王姬後謚爲共與衛共姬同是齊侯之妃

有兩共姬矣衛共姬見僖十七年傳乘丘之役公以金

僕姑玉篇作鑣錡云春秋僕姑射南宮長萬賈逵云

南宮氏萬名宋卿史記按下年經書宋萬弑其君則萬

本宋卿可知杜注云宋大夫又云不書獲萬時未為卿則杜意以萬歸宋後始為卿也無論見獲歸宋為時甚暫未必以此時為卿且下年傳書萬殺大宰督于東宮

之西督為宋正卿經亦不書則此年不書獲萬亦經文簡略終當以賈說為是公右猷孫生搏之宋人請之宋

公靳之服虔云恥而惡之曰靳疏本玉篇釋文戲而相媿

曰靳杜此曰始吾敬子今子魯囚也吾弗敬子矣病之

十二年秋宋萬弑閔公子蒙澤諡法在國遭憂曰愍又

在國逢難曰愍又禍亂方作曰愍按史記作湑漢書五

行志作愍閔愍音義竝同賈逵云蒙澤宋澤名也史記

集解郡國志梁國蒙縣有蒙澤杜同十三州志蒙澤在蒙

縣東水經注遇仇牧于門批而殺之按一切經音義引

此傳作挽而殺之今考說文挽反手擊也今本作批非

是公羊傳萬臂撥仇牧碎其首何休云側手曰撥則義

與說文反手擊亦同玉篇作挽云手擊也字林廣雅皆

作批云批擊也相沿已久姑承之遇大宰督于東宮之

西又殺之立子游羣公子奔蕭公子御說奔毫服虔云

蕭毫宋邑也同地理志沛郡蕭故蕭叔國杜本山陽郡

薄臣瓚曰湯所都郡國志薄屬梁國按毫薄古字通杜

預注薄城中有成湯冢亦本皇覽南宮牛猛獲帥師圍

毫冬十月蕭叔大心及戴武宣穆莊之族以曹師伐之殺

南宮牛于師殺子游于宋立桓公猛獲奔衛南宮萬奔陳

以乘車輦其母高誘呂覽注人引車曰輦杜本一日而

至宋人請猛獲于衛衛人欲勿與石祁子曰不可天下之

惡一也惡於宋而保於我保之何補得一夫而失一國與

惡而棄好非謀也衛人歸之亦請南宮萬于陳以賂陳人

使婦人飲之酒酌服虔云宋萬多力勇不可執故先使婦

人誘而飲之酒醉而縛之史記集解而以犀革裹之比及宋

手足皆見宋人皆醢之酌服虔云醢肉醬同上杜

十三年春會于北杏以平宋亂遂人不至夏齊人滅遂

而戍之冬盟于柯始及齊平也宋人背北杏之會

十四年春諸侯伐宋齊請師于周夏單伯會之取成于宋

而還鄭厲公自櫟侵鄭及大陵酌京相璠曰潁川臨潁

春秋左傳註卷六

十一

縣東北二十五里有故巨陵亭古大陵也水經獲傅瑕

史記作甫瑕傅瑕曰苟舍我吾請納君與之盟而赦之六月

甲子傅瑕殺鄭子及其二子而納厲公初內蛇與外蛇鬪

於鄭南門中內蛇死六年而厲公入酌服虔云蛇北方水

物水成數六故六年而厲公入本公聞之問於申繻曰

猶有妖乎對曰人之所忌其氣炎以取之釋文石經本

並作炎後人妄改燄按漢書五行志引傳作炎師古曰

炎音弋贍反藝文志亦作炎師古曰炎謂火之光始燄

燄也炎讀與燄同王符潛夫論引此亦作其氣炎以取

之今从諸家改定妖由人興也人無豐焉妖不自作漢書

藝文志妖並作妖按大戴禮易本命妖孽數起漢書文帝紀除妖言之罪師古曰妖同妖人弃常則

妖興故有妖

漢書藝文志此二句在人厲公入遂殺傅瑕史記作而讓其

伯父原無繁字傳瑕貳周有常刑既伏其罪

使謂原繁曰

史記作而讓其伯父原無繁字

傳瑕貳周有常刑既伏其罪

矣納我而無二心者吾皆許之上大夫之事吾願與伯父

圖之且寡人出伯父無裏言入又不念寡人寡人感焉對

曰先君桓公命我先人典司宗祏說文祏宗廟主也周

禮有郊宗石室

杜本

社稷有主而外其心其何貳如之

苟主社稷國內之民其誰不為臣臣無二心天之制也子

儀在位十四年矣而謀召君者庸非貳乎莊公之子猶有

八人若皆以官爵行賂勸貳而可以濟事君其若之何臣

聞命矣乃縊而殉

蔡哀侯為莘故詭息媯按釋文稱

說文作詭今說文本闕廣雅云詭譽也周書皇門解云

春秋左傳詭卷六

十一

是陽是繩繩詭古字同呂覽周公旦作詩以詭文王之

德孔鮒曰詭之譽之也表記曰君子不以口譽人鄭注

譽詭也

杜本

以詭楚子楚子如息以食入享遂滅息以

息媯歸生堵敖及成王焉史記作杜敖按史記楚世家

曰子熊羆立是為杜敖索隱曰杜音側壯反十二諸侯

年表作堵敖索隱曰世家作莊敖劉音壯此作杜敖劉

氏云亦作杜杜堵聲相近又與世家乖未識誰是古今

人表又作杜敖師古曰卽堵敖今考索隱云云則楚世

家杜敖當作莊敖莊作杜傳寫誤也未言楚子問之對

曰吾一婦人而事二夫縱弗能施其又奚言楚子以蔡侯

滅息遂伐蔡秋七月楚入蔡祭君子曰商書所謂惡之易也

如火之燎于原不可鄉邇其猶可撲滅者其如蔡良侯乎
冬會于鄆宋服故也

十五年春復會焉齊始霸也 秋諸侯爲宋伐郟 鄭人

問之而侵宋

十六年夏諸侯伐鄭宋故也 釋文本或作爲宋故 鄭伯自櫟入緩告

于楚秋楚伐鄭及櫟爲不禮故也 鄭伯治與於雍糾之亂

者九月殺公子闕剛強鉏 古今人表強作疆 釋文隱十一年鄭

有公孫闕距此三十五年不容復有公子闕若非闕字

誤則子當爲孫公父定叔出奔衛三年而復之曰不可

使其叔無後於鄭使以十月入曰良月也就盈數焉 服

虔云定叔之祖公叔段有伐君之罪宜世不長而云不

春秋左傳卷六

十一

可使其叔無後於鄭言其刑之偏頗鄭厲公以逆篡適

同惡相恤故黨於共叔欲令其後不絕傳所以惡厲公

也 本疏 君子謂強鉏不能衛其足 冬同盟于幽鄭成也

王使虢公命曲沃伯以一軍爲晉侯初晉武公伐夷執

夷詭諸爲國請而免之旣而弗報故子國作亂謂晉人曰

與我伐夷而取其地遂以晉師伐夷殺夷詭諸周公忌父

出奔虢惠王立而復之

十七年春齊人執鄭詹鄭不朝也 夏遂因氏領氏工婁

氏須遂氏饗齊成醉而殺之齊人殲焉

十八年春虢公晉侯朝王王饗醴命之宥皆賜玉五鼓

釋文引倉頡篇鼓作珏雙玉爲鼓故字从兩玉按說文

穀字下云珽或从彘馬三匹非禮也王命諸侯名位不
同禮亦異數隋書經籍志引不以禮假人號公晉侯鄭

伯使原莊公逆王后于陳陳媯歸于京師實惠后夏公

追戎于濟西不言其來諱之也秋有盛為災也服虔

云短狐南方盛暑所生其狀如鼈古無今有含沙射人

入皮肌中其瘡如疥徧身澁澁或或故為災周禮初楚

武王克權使鬪緡尹之以叛圍而殺之遷權于邗處按

史記管蔡世家曰封季載于冉索隱曰冉或作鄆國語

曰冉季鄭姬賈逵云文王子冉季之國也莊十八年楚

武王克權遷于邗處邗與鄆皆音奴甘反使閻敖尹之

及文王卽位與巴人伐申而驚其師巴人叛楚而伐鄆

春秋左傳卷六

十三

取之遂門于楚閻敖游涌而逸水經江水又東南當韋

容縣南涌水入焉杜本春秋所謂閻敖游涌而逸者也

道元楚子殺之其族為亂冬巴人因之以伐楚

十九年春楚子禦之大敗于津水經注引作應劭曰南

郡江陵縣有津鄉杜本郡國志同杜本還鬻拳弗納

古今人表鄭元箴膏肓曰鬻拳楚同姓遂伐黃郡

國志汝南郡弋陽侯國有黃亭故黃國贏姓杜同敗黃

師于踏陵還及湫有疾夏六月庚申卒鬻拳葬諸父室亦

自殺也而葬於經皇按宣十四年傳屢及於室皇經與

室通正義云室皇當是寢門闕此經皇或是冢前闕也

初鬻拳強諫楚子楚子弗從臨之以兵懼而從之鬻拳曰

吾懼君以兵罪莫大焉遂自刎也楚人以爲大閹謂之大

伯使其後掌之君子曰鬻拳可謂愛君矣諫以自納於刑

刑猶不忘納君於善 初王姚嬖于莊王生子穰釋文及別本作

穰誤按石經及宋本並作穰舊本外傳亦作穰並與說文合今从改正下並同子穰有寵薦國

爲之師及惠王卽位取薦國之圃以爲圃說文種菜曰圃圃圃有垣也按哀十五年服虔注圃圃也又鄭注周

禮固今之苑杜取邊伯之宮近於王宮王取之王奪子

禽祝跪與詹父田而收膳夫之秩鄭元周禮注秩祿廩也杜本故薦國邊伯石速外傳速作速按說文速籒文速漢書宣帝紀注師古曰速

古速 詹父子禽祝跪作亂因蘇氏 秋五大夫奉子穰

以伐王不克出奔温蘇子奉子穰以奔衛衛師燕師伐周

冬立子穰

二十年春鄭伯和王室不克執燕仲父服虔云南燕伯爵杜取夏鄭伯遂以王歸王處于櫟服虔云櫟鄭大都史記秋王及鄭伯入于鄆遂入成周取其寶器而還

冬王子穰享五大夫樂及徧舞賈逵云徧舞皆舞六代之樂杜取此鄭伯聞之見穰叔曰寡人聞之哀樂失

時殃咎必至今王子穰歌舞不倦樂禍也夫司寇行戮君

爲之不舉而況敢樂禍乎姦王之位禍孰大焉臨禍忘憂

憂必及之盍納王乎穰公曰寡人之願也

二十一年春胥命于弭夏同伐王城鄭伯將王自闕門入

穰叔自北門入殺王子穰及五大夫鄭伯享王于闕西辟

諸服虔云西辟西徧也當為兩觀之內道之西也本頴

容云闕者上有所失下得書之于闕水經注廣雅象魏闕

也杜本樂備王與之武公之略自虎牢以東諸地理志

河南郡成皋故虎牢穆天子傳七萃之士生捕虎即獻

天子天子畜之東虢號曰虎牢原伯曰鄭伯效尤其亦

將有咎五月鄭厲公卒王巡虢守釋文本虢公為王宮于

玕王與之酒泉鄭伯之享王也王以后之鞶鑑予之虢公

請器王予之爵史記鄭世家云惠王不賜厲公爵祿索

隱曰此言爵祿與左氏說異鄭伯由是始惡于王服

虔云鞶鑑王后婦人之物非所以賜有功爵飲酒器王

爵也一升曰爵爵人之所貴也言鄭伯以其父得賜不

如虢公為是始惡于王積而成怨疏本冬王歸自虢

二十二年春陳人殺其大子御寇公穀釋文陳公子完與

顓孫奔齊顓孫自齊來奔齊侯使敬仲為卿辭曰羈旅之

臣諸賈逵云羈寄旅客也史記集解幸若獲宥何休公

羊傳宥赦也杜本及於寬政赦其不閑於教訓而免於

罪戾風俗通弛於負儋鄭元周禮注弛釋下之按杜注

弛去離也義轉屈曲說文儋何也从人詹聲按漢書貨

殖傳漿千儋師古曰儋人儋之也一儋兩畧漢碑凡負

儋字皆作儋諸刊本竝作擔非是今據改君之惠也所

獲多矣敢辱高位以速官謗請以死告詩云翹翹車乘諸

服虔云翹翹遠貌詩疏杜取此招我以弓豈不欲往畏我友

册使爲工正賈逵云掌百工史記集解漢大府陳球碑

云公子完適齊爲桓公公正按古公工通惠士奇亦同

飲桓公酒樂公曰以火繼之辭曰臣卜其書服虔云臣

將享君必卜之示戒慎也本疏按詩湛露疏引此又云示敬慎也未卜其

夜不敢君子曰酒以成禮不繼以淫風俗通義也以君成

禮弗納於淫仁也初懿氏卜妻敬仲曲禮龜曰卜杜本

按傳上云臣卜其書杜舍前而注後亦誤其妻占之曰

吉是謂鳳皇于飛和鳴鏘鏘有媯之後頴容釋例云舜

居西域本曰媯御覽將育于姜五世其昌竝于正卿服虔云言完後五世與卿竝列史記

京賈逵云京大也同上杜按與下文物莫能兩大同陳

厲公蔡出也爾雅姊妹之子曰出杜本故蔡人殺五父

而立之生敬仲其少也周史有以周易見陳侯者陳侯使

筮之曲禮著曰筮杜本遇觀三三王充曰卜曰逢筮

日遇之否三三賈逵云坤下巽上觀坤下乾上否同上

又云觀爻在六四變而之否漢上易叢談正義云服說亦同

杜取曰是謂觀國之光利用賓于王此其代陳有國乎

不在此其在異國周禮疏引此非此其身在其子孫光遠

而自他有耀者也石經刊本竝坤土也巽風也乾天也風

爲天於土上山也有山之材而照之以天光於是乎居土

上故曰觀國之光利用賓于王劉用熙以此上庭實旅百

韋昭云庭實庭中之實百舉成數也爾雅旅陳也杜本

春秋左傳註卷六

十六

此奉之以玉帛天地之美具焉故曰利用賓于王猶有觀焉故曰其在後乎風行而著於土周服虔云巽在坤上

故爲著土也一日巽爲風復爲木風吹木實落去更生他土而長育是爲在異國本疏故曰其在異國乎若在異

國必姜姓也姜大嶽之後也周語云堯命禹治水共之

從孫四嶽佐之賈逵注共其工也從孫同姓未嗣之孫

四岳官名太岳也主四岳之祭焉本疏山嶽則配天物莫

能兩大陳衰此其昌乎及陳之初亡也陳桓子始大於齊

其後亡也成子得政

二十三年夏公如齊觀社非禮也曹劌諫曰不可夫禮所

以整民也故會以訓上下之則制財用之節朝以正班爵

之義帥長幼之序征伐以討其不然諸侯有王周按賈公

彥周禮疏引此傳文并引注云有王朝于王疑是服注

王有巡守以大習之管子幼官篇曰千里之外二千里

之內諸侯三年而朝習命二千里之外三千里之內諸

侯五年而會至習命惠棟曰此所云大習者蓋習會朝

之教命也非是君不舉矣君舉必書書而不法後嗣何

觀晉桓莊之族偪獻公患之士蒍曰賈逵云晉大夫

史記集解去富子則羣公子可謀也已周按尋繹上下

杜取此文義疑富子爲羣公子之一非強族卽係多知術能爲

羣公子謀畫者譖而去之則羣公子失謀主矣杜以富

強解之恐誤公曰爾試其事士爲與羣公子謀譖富子

而去之 秋丹桓公之楹

二十四年春刻其桷皆非禮也御孫諫曰

古今人表作禦釋文云木亦作

御外傳作匠師慶章昭曰掌匠大夫御孫曰臣聞之儉德之名也下御孫曰外傳作宗人夏父展曰

之其也侈惡之大也先君有其德而君納諸大惡無乃不可乎

秋哀姜至公使宗婦覲用幣非禮也御孫曰男贄

大者玉帛小者禽鳥以章物也女贄不過榛栗棗脩韻說

文菜果實如小栗春秋傳曰女贄不過菜栗廣雅菜菓

也按榛說文木也一曰敢也高誘淮南王書注叢木曰

榛此女贄之菜當以說文廣雅為是先儒以為栗取其

戰栗也栗取其早起也脩取其自修也惟榛無說惠棟

云正義以為榛聲近虔矢之外傳魯語曰夫婦贄不過

栗栗以告虔也不及榛脩明榛不訓虔唐元度九經字

樣引傳作栗以榛為菜經典相承隸變以告虔也韻詩

毛傳虔敬也杜本今男女同贄是無別也男女之別國

之大節也而由夫人亂之無乃不可乎 晉士蒍又與羣

公子謀使殺游氏之二子士蒍告晉侯曰可矣不過二年

君必無患

二十五年春陳女叔來聘始結陳好也嘉之故不名 夏

六月辛未朔日有食之鼓用牲于社非常也唯正月之朔

慝未作韻鄭元周禮注慝陰姦也杜本日有食之於是乎

用幣于社伐鼓于朝 秋大水鼓用牲于社于門亦非常

也凡天災有幣無牲非日月之眚不鼓韻韋昭國語注眚

猶災也

此杜本

晉士蔿使羣公子盡殺游氏之族乃城聚

晉賈逵云聚晉邑

史記集解杜取此

而處之冬晉侯圍聚盡殺

羣公子

二十六年春晉士蔿爲大司空夏士蔿城絳**晉**地理志河

東郡絳晉武公自曲沃徙此

杜本

以深其宮 秋號人

侵晉冬號人又侵晉

二十七年春公會杞伯姬于洮非事也天子非展義不巡

守諸侯非民事不舉卿非君命不越竟 夏同盟于幽陳

鄭服也 秋公子友如陳葬原仲非禮也原仲季友之舊

也 冬杞伯姬來歸甯也凡諸侯之女歸甯曰來出口來

歸夫人歸甯曰如某出口歸于某 晉侯將伐號士蔿曰

春秋左傳語卷六

九

不可號公驕若驟得勝於我必弃其民無眾而後伐之欲

禦我誰與夫禮樂慈愛戰所畜也夫民讓事樂和愛親哀

哀而後可用也號弗畜也亟戰將饑 王使召伯廖賜齊

侯命且請伐衛以其立子殯也

二十八年春齊侯伐衛戰敗衛師數之以王命取賂而還

晉獻公娶于賈無子烝於齊姜生秦穆夫人及大子申

生又娶二女于戎大戎狐姬生重耳小戎子生夷吾**晉**

語狐氏出自唐叔狐伯行之子實生重耳按史記又云

夷吾母重耳母女弟又云秦穆夫人爲太子申生同母

女弟皆與此傳顯違竝不足據他做此晉伐驪戎驪戎

男女以驪姬

淮南王書作嬖姬呂覽又作麗云亦作驪

歸生奚齊**晉**地理志京

兆尹新豐驪山在南故驪戎國

杜本

按莊子齊物論麗

之姬艾封人之子也麗艾聲相近其娣生卓子

史記

晉世家曰驪姬女弟生悼子索隱曰左傳作卓子徐廣

曰一作倬按悼倬字形相近傳寫誤耳驪姬嬖欲立其

子賂外嬖梁五與東關嬖五使言於公曰曲沃君之宗也

蒲與二屈地理志河東郡有蒲子北屈二縣

杜本

按韋

昭漢書注又云蒲今蒲坂按有南北二屈故云二水經

注稱汲郡古文云翟章救鄭次于南屈應劭曰有南故

稱北是二屈之證杜注二當爲北誤君之疆也不可以

無主宗邑無主則民不威疆場無主則啟戎心戎之生心

民慢其政國之患也若使大子主曲沃而重耳夷吾主蒲

與屈則可以威民而懼戎且旌君伐按史記晉世家集

解引賈逵云旌表也則賈注此傳當亦同廣雅亦云旌

表也杜云旌章也蓋用韋昭國語注下伐功亦同使俱

曰狄之廣莫於晉爲都晉之啟土不亦宜乎晉侯說之夏

使大子居曲沃重耳居蒲城夷吾居屈羣公子皆鄙唯二

姬之子在絳二五卒與驪姬譖羣公子而立奚齊晉人謂

之二五耦考工記耦廣五寸二耦爲耦杜本

杜本

楚令尹子

元欲蠱文夫人伏曼容易注蠱惑亂也杜注及釋

文本此

爲館

於其宮側而振萬焉鄭元禮記注振動也何休公羊傳

萬者何干舞也杜本

夫人聞之泣曰先君以是舞也習

戎備也今令尹不尋諸仇讐小爾雅尋用也杜本

而於

未亡人之側不亦異乎御人以告子元子元曰婦人不忘
襲讐我反忘之秋子元以車六百乘伐鄭入于桔柣之門

註玉篇闕鄭城門左傳作桔柣子元鬪御疆鬪梧耿
之不比爲旆爾雅緇廣充幅長尋曰旆繼旆曰旆杜本此

鬪班王孫游王孫喜殿眾車入自純門及達市縣門不發
楚言而出子元曰鄭有人焉諸侯救鄭楚師夜遁鄭人將

奔桐丘京相璠曰桐丘鄭地也今圖無而城見存西南
去許昌故城可三十五里俗名之曰隄其城南卽長堤

固洧水之北防也西南桐丘其城邪長而不方蓋憑丘
之稱卽城之名矣水經注按杜注許昌縣東北有桐丘城

與道元說畧同謀告曰鄭元周禮注謀問也杜本此楚

幕有烏廣雅幕帳也杜本此乃止冬饑臧孫辰告糴于
齊禮也築郕非都也凡邑有宗廟先君之主曰都詩疏引此

作邑有先君之廟曰都無曰邑邑曰築都曰城
二十九年春新作延廡書不時也凡馬日中而出日中而

入夏鄭人侵許凡師有鐘鼓曰伐無曰侵輕曰襲秋
有蜚爲災也凡物不爲災不書冬十二月城諸及防書

時也凡土功龍見而畢務韋昭國語注辰角大辰蒼龍
之角角者星名也見者朝見東方寒露節也杜本此戒事

也火見而致用水昏正而栽蔡邕月令章句引傳曰水
昏正而栽築惠棟曰水卽營室也昏正者昏中也栽築

者栽木而始築也日至而畢樊皮叛王

三十年春王命虢公討樊皮夏四月丙辰虢公入樊執樊仲皮歸于京師

鄆郡國志河內郡修武有陽樊服虔云樊仲山之所居故名陽樊按漢鄆縣地亦有古樊城樂史

引郭仲產摯虞等記云樊本仲山甫之國卽今襄陽縣樊城也與南虢相去亦近楚公子元歸自伐鄭而處王

宮鬪射師諫則執而梏之

鬪服虔云射師若敖之子鬪班也

疏本鄭元周禮注在手曰梏在足曰桎杜本秋申公鬪

班殺子元鬪穀於菟

漢書敘傳作穀於菟釋文云鬪穀漢書作穀按據陸氏所引則舊本作穀也今通志堂刊本釋文穀作穀

穀漢古閣本亦作穀皆誤爲令尹自毀其家

廣雅毀廟也按杜注訓滅義亦同俗本譌作滅非以紆楚國之難

鬪詩毛傳紆緩也杜本冬遇于魯濟謀山戎也以其

病燕故也

鬪地理志廣陽國薊故燕國杜本

三十一年夏六月齊侯來獻戎捷非禮也凡諸侯有四夷之功則獻于王王以警于夷中國則否諸侯不相遺俘

三十二年春城小穀爲管仲也 齊侯爲楚伐鄭之故請會于諸侯宋公請先見于齊侯夏遇于梁丘 秋七月有

神降于莘惠王問諸內史過曰是何故也對曰國之將興

明神降之監其德也將亡神又降之觀其惡也故有得神

以興亦有以亡虞夏商周皆有之

鬪服虔云虞舜祖考來格鳳凰來儀百獸率舞

疏本王曰若之何對曰以其物享焉

鬪馬融易傳享祭也杜本其至之日亦其物也王從之內史過往問虢請命反曰虢必亡矣虐而聽於神神居莘

六月虢公使祝應宗區史嚚享焉神賜之土田史嚚曰虢其亡乎吾聞之國將興聽於民將亡聽於神神聰明正直而壹者也依人而行虢多涼德

說文涼字下云爾雅涼薄也从无京聲廣雅同曹憲注曰涼良音世人作涼薄之涼水傍著京訓薄容古字假借今仍之杜本其何土

之能得 初公築臺臨黨氏 **說文**貫達云黨氏魯大夫任姓

史記集解 杜取此 見孟任 孟女 **說文**貫達云黨氏女 同上杜取此 史記索隱云孟長任字也非姓從之 **說文**服虔云從之言欲

與通也 本說 **說文**闕閉門也春秋傳曰闕門而與之言而以夫人言許之割臂盟 **說文**服虔云割其臂以與公盟 史記集解 生子般馬雲講于梁氏女公子觀之 **說文**鄭元

春秋左傳卷六 禮記注雲祭天也 杜本 按史記曰班長悅梁氏女往觀

畱人犖自牆外與梁氏女戲班怒鞭犖左傳女公子句

疑有脫文杜注云女公子子般妹亦屬臆解史記所載似近情理且女公子之稱別無所見也 圍人犖 公羊傳 僕人鄧

自牆外與之戲 **說文**服虔云圍人掌養馬者犖其名也 史記集解 子般怒使鞭之公曰不如殺之是不可鞭犖有力

馬能投蓋于稷門 **說文**服虔云能投千金之重過門之上也 水經 按杜注以為走而自投接其屋之桷反覆門上殊

屬臆說劉炫規之是也又按水經注稷門亦曰雩門門南隔水有雩壇壇高三丈梁氏居蓋近此門故於此講肆也公疾問後於叔牙對曰慶父材問於季友對曰臣

以苑奉般公曰鄉者身曰慶父材成季使以君命信叔待于鍼巫氏使鍼季酖之服虔云鳩鳥一名運日鳥

集曰飲此則有後於魯國不然苑且無後飲之歸及達

泉而卒立叔孫氏 八月癸亥公薨于路寢子般即位次

于黨氏 冬十月己未共仲使圉人犇賊子般于黨氏

孔安國尚書傳賊殺也高誘呂覽注同成季奔陳

虔云季友內知慶父之情力不能討故避其難出奔

立閔公閔公記作潛漢書志並作愍服虔云閔公於是年九歲

閔公元年春不書即位亂故也 狄人伐邢管敬仲言於

齊侯曰戎狄豺狼不可厭也諸夏親暱爾雅暱近也

此不可弃也宴安酖毒不可懷也詩云豈不懷歸畏此

春秋左傳詁卷六

簡書簡書同惡相恤之謂也請救邢以從簡書齊人救邢

夏六月葬莊公亂故是以緩 秋八月公及齊侯盟于

落姑請復季友也齊侯許之使召諸陳公次于郎以待之

季子來歸嘉之也 冬齊仲孫湫來省難書曰仲孫亦嘉

之也仲孫歸曰不去慶父魯難未己公曰若之何而去之

對曰難不已將自斃爾雅斃踣也 君其待之公曰

魯可取乎對曰不可猶秉周禮周禮所以本也臣聞之國

將亡本必先顛而後枝葉從之魯不弃周禮未可動也君

其務甯魯難而親之親有禮因重固服虔云重不可動

因其不可動而堅固之 說文因就也从口大按惠棟

稱說文植有禮因重固固就也从口大能大者眾圍就

之今考此係徐錯說惠氏以爲說文誤也凡說文稱傳文皆云春秋傳無云左傳者其誤無疑杜注能重能固則當就成之義亦畧同間攜貳覆昏亂霸王之器也

晉侯作二軍公將上軍大子申生將下軍趙夙御戎

語趙衰先君之戎御趙夙之弟也史記趙世家夙生共

孟孟生趙衰杜注本按世本公明生孟及趙夙夙生成

季衰史記以衰爲夙孫既誤晉語又以爲夙弟益非當

以世本爲正惠棟曰晉語無繆戾至此必傳寫之誤畢

萬爲右杜本世本畢萬生芒季芒季生武仲州按州卽魏舉

此以滅耿滅霍滅魏服虔云三國皆姬姓魏在晉

之蒲坂河東也史記地理志河東郡皮氏耿鄉故耿國

魏霍大山在東杜本還爲大子城曲沃賜趙夙耿賜畢

萬魏以爲大夫士蔿曰大子不得立矣分之都城服虔

云邑有先君之主曰都史記集解而位以卿賈逵云謂將

下軍同上杜先爲之極服虔云言其祿位極盡於此

上又焉得立不如逃之無使罪至爲吳大伯不亦可乎

王肅云大伯知天命在王季奔吳不反同上猶有令名

與其及也王肅云雖去猶可有令名何與其坐而及禍

也同上廣雅與如也襄二十六年傳亦同且諺曰心苟無

瑕何恤乎無家天若祚大子杜按左傳凡祚字皆當作祚

此及僖廿八年宣三年昭十一年卅年凡六處皆作祚

石經亦同以古字尙可通故不追改其無晉乎卜偃曰

畢萬之後必大

賈逵云卜偃晉掌卜大夫郭偃

同上杜取此

萬盈數也

魏大名也**服**虔云數起一至萬為滿**魏**喻**魏**

魏高大也

同上以是始賞天啟之矣**服**虔云以魏賞畢

萬是為天開其福同上天子曰兆民諸侯曰萬民今名之

夫以從盈數其必有眾初畢萬筮仕於晉**服**氏以為畢

萬在周筮仕于晉

本疏遇屯三三之比三三**賈**逵云震

下坎上屯坤下坎上比屯初九變之比史記集解辛廖占之

曰吉**賈**逵云辛廖晉大夫

同上杜取此

屯固比入吉孰大焉

其必蕃昌震為土車從馬足居之兄長之母覆之眾歸之

六體不易合而能固安而能殺公侯之卦也公侯之子孫

必復其始**馬融**云畢毛文王庶子史記魏世家魏之先

春秋左傳卷六

天

畢公高之後也

杜取此按史記云畢公高與周同姓而左

傳富辰說文王之子十六國有畢原豐郇小司馬亦言

畢公是文王之子與史記說不同

二年春虢公敗犬戎于渭汭**水**經注引作渭隊服虔云

隊渭汭也據此則服本作隊水經注又曰杜本作汭按

鄭元尚書注汭隈曲中也王肅云汭入也杜益本鄭說

舟之僑曰無德而祿殃也殃將至矣遂奔晉夏吉禘于

莊公速也初公傳奪卜齋田公不禁**賈**逵云卜齋魯

大夫

史記集解

秋八月辛丑共仲使卜齋賊公子武闡**賈**

逵云宮中之門謂之闡

同上按賈注用爾雅釋宮文釋宮

又云其小者謂之闡今按杜注于門上增一小字是合

二句爲一子詰訓之道爲不通矣成季以僖公適邾共仲奔莒乃入立之以賂求共仲于莒莒人歸之及密使公子魚請不許哭而往共仲曰奚斯之聲也乃縊閔公哀姜之娣叔姜之子也故齊人立之共仲通於哀姜哀姜欲立之閔公之處也哀姜與知之故孫于邾齊人取而殺之于夷以其尸歸僖公請而葬之成季之將生也桓公使卜楚丘之父卜之曰男也其名曰友在公之右問于兩社賈逵云兩社周社亳社也兩社之間朝廷執政之臣所取此杜爲公室輔季氏亡則魯不昌服虔云謂季友出奔魯弑二君疏又筮之遇大有三三之乾三三曰同復于父敬如君所及生有文在其手曰友遂以命之

春秋左傳卷六

七

冬十二月狄人伐衛衛懿公好鶴鶴有乘軒者服虔云

車有藩曰軒

本疏

說文軒曲輶藩車也將戰國人受甲者

皆曰使鶴鶴實有祿位余焉能戰公與石祁子玦與甯莊

子矢使守曰以此贊國鄭司農周禮注贊助也

杜本擇此

利而爲之與夫人繡衣曰聽於二子渠孔御戎子伯爲右

黃夷前驅孔嬰齊殿及狄人戰于滎澤書禹貢滎波旣

豬師古曰滎沔水決出所爲卽今滎澤是也京相璠曰

滎澤在滎陽縣西南按竹書紀年作洞澤洞當作洞河

滎音同衛師敗績遂滅衛詩載馳序云衛懿公爲狄

人所滅滅者懿公處也君歿于位曰滅衛侯不去其旗

是以甚敗狄人囚史華龍滑與禮孔以逐衛人二人曰我

大史也實掌其祭不先國不可得也乃先之至則告守曰不可待也夜與國人出狄入衛遂從之又敗諸河初惠公之卽位也少齊人使昭伯烝於宣姜不可強之服虔云

昭伯衛宣公之長庶伋之兄宣姜宣公夫人惠公之母

詩疏生齊子戴公文公宋桓夫人許穆夫人文公為衛之

多患也先適齊及敗宋桓公逆諸河宵濟衛之遺民男女

七百有三十人益之以其滕之民為五千人立戴公以廬

于曹詩序及鄭箋曹竝作漕釋文云音同按漕作曹古

文省說文廬寄也詩毛傳亦同釋文寄止曰廬按管子

中匡篇狄人攻衛衛人出旅于曹則廬字從本訓為得

韋昭注外傳亦同許穆夫人賦載馳齊侯使公子無虧

春秋左傳詁卷六

元

帥車三百乘甲士三千人以戌曹歸公乘馮祭服五稱牛

羊豕雞狗皆三百與門材歸夫人魚軒服虔云魚獸名

詩疏重錦三十兩服虔云重牢也疏鄭人惡高克使帥

師次于河上久而弗召師潰而歸高克奔陳鄭人為之賦

清人晉侯使大子申生伐東山臬落氏賈逵云東山

赤狄別種史記集解服虔云赤狄之都也水經注劉昭郡國志

注引上黨記東山在壺關城東南晉申生所伐今名平

泉里克諫曰高誘呂覽注賈逵云里克晉卿里季也

史記集解大子奉冢祀社稷之粢盛以朝夕視君膳者也

服虔云厨膳飲食同此故曰冢子君行則守有守則

從服虔云有代大子守則從之同從曰撫軍服虔云

助君撫循軍士

上同

守曰監國古之制也夫帥師專行謀

誓軍旅君與國政之所圖也

圖

賈逵云國政正卿也

杜取

此非大子之事也師在制命而已稟命則不威專命則

不孝故君之嗣適不可以帥師君失其官帥師不威將焉

用之且臣聞泉落氏將戰君其舍之**圖**服虔云舍之置申

生弗使將兵也

御覽

公曰寡人有子未知其誰立焉不對

而退**圖**服虔云里克不對

曰告之以臨民教之以軍旅**圖**賈逵云將下軍

共是懼何故廢乎且子懼不孝無懼弗得立**圖**服虔云不

得立已

上同

修已而不責人則免於難大子帥師公衣之

偏衣

外傳作衣之

圖服虔云偏衣偏袷之衣異色駁不純

春秋左傳話卷八

无

袷在中左右各異故曰偏衣

上同

高誘呂覽注偏半也

杜取

此佩之金玦**圖**服虔云金玦以金為玦也

上同

狐突御戎

先友為右梁餘子養御罕夷先丹木為右羊舌大夫為尉

先友曰衣身之偏握兵之要在此行也子其勉之偏躬無

患兵要遠災親以無災又何患焉狄突歎曰時事之徵也

衣身之章也佩衷之旗也

圖

韋昭國語注衷中也

杜本

敬其事則命以始服其身則衣之純用其衷則佩之度今

命以時卒闕其事也衣之龙服**圖**鄭司農考工記注龙雜

也

杜本

遠其躬也佩以金玦弃其衷也服以遠之時以

闕之龙涼**圖**說文恠白黑雜毛牛犛鹿牛也春秋傳曰攄

掠惠棟曰牛之雜色者不中為犧牲衣之不純者不得

爲大子若以虜爲悖義無所取古文省少或借涼爲悖
冬殺金寒玦離胡可恃也雖欲勉之狄可盡乎梁餘子養

日帥師者受命於廟受賑於社韋昭國語注賑宜社之

內盛以蜃器杜本此有常服矣不獲而虜命可知也死而

不孝不如逃之罕夷曰虜奇無常金玦不復應劭曰復

反也荀卿子曰絕人以玦雖復何爲君有心矣先丹木

曰外傳作僕人贊語是服也狂夫阻之服虔云阻止也方相之

士蒙元衣朱裳主索室中毆疫號之爲狂夫止此服言

君與大子以狂夫所止之服衣之疏韋昭云狂夫方相

氏之士也阻古詛字杜注殊非曰盡敵而反敵可盡乎

雖盡敵猶有內讒不如違之詩毛傳違去也此杜本狐突

春秋左傳詁卷六

三

欲行羊舌大夫曰不可違命不孝弃事不忠雖知其寒惡

不可取子其死之大子將戰狐突諫曰不可昔辛伯諗周

桓公說文諗深諫也春秋傳曰辛伯諗周桓公按桓十

八年傳本曰辛伯諫曰則諗訓說文爲長杜注諗告也

雖本詩鄭箋笈究當以說文爲是云內寵竝后外寵二政

嬖子配適大都耦國亂之本也周公弗從故及於難今亂

本成矣立可必乎孝而安民子其圖之與其危身以速罪

也服虔云速召也疾也言大子不去自必危疾召罪狐

突知其難本旣成而大子拘于一節不達至孝之義與

皋落雖戰勝而歸猶不能免乎難而使父有悖惑殺子

之罪故傳備載眾賢之言以述大子所以死也經在僖

公五年晉侯殺其大子申生御覽成風聞成季之繇服

虔云繇抽也抽出吉凶也易釋文按說文卜詞本作繇繇

字作繇徐鉉等曰今俗从畚遂借作搖謠猶游猷陶悠

等字只此繇字別無分別漢書文帝紀注師古曰繇音

交救反本作籀籀書也今考釋文石經並作繇姑仍之

詩鄭箋繇卦兆之辭也杜本乃事之而屬僖公焉故成

季立之 僖之元年齊桓公遷邢于夷儀水經注引應

劭曰邢侯自襄國徙此當齊桓公時衛人伐邢邢遷于

夷儀其地屬晉號曰邢丘臣瓚注漢書曰春秋狄人伐

邢邢遷夷儀不至此也今襄國西有夷儀去襄國百餘

里

二年封衛于楚丘邢遷如歸衛國忘亡 衛文公服虔

云戴公卒在於此年詩疏大布之衣大帛之冠鄭元禮

記注大白冠太古之布冠也春秋傳曰衛文公大布之

衣大白之冠正義引傳亦作大白務材訓農通商惠工

敬教勸學授方任能元年革車三十乘季年乃三百乘

07685

